



中唐劉禹錫詩目

團扇歌

宜城歌

順陽歌

莫徭歌

度桂嶺歌

插田歌

葡萄歌

蠻子歌

馬嵬行

百花行

壯士行


苦雨行

華山歌

拋毬樂詞二首

華清詞

送春曲三首





初夏曲三首

擣衣曲

畚田作

鷓鴣吟

觀雲篇

養鷺詞

別友人後得書因以詩贈

送華陰尉張茗赴邕府使幕

送湘陽熊判官孺登府罷歸鍾陵因寄呈江西

裴中丞二十三兄 送韋秀才道冲赴制舉

送李策秀才還湖南因寄幕中親故兼簡衡州

李八郎中 送張盥赴舉

送和州錢侍郎自宣州幕拜官使於華州觀省

送僧及南謁柳員外 送惟良上人

翠微寺有感 觀舞柘枝二首

連州臘日觀莫徭獵西山

寄陝州姚中丞 奉酬湖州崔郎中見寄

五韻 學阮公體三首

偶作二首 昏鏡詞

秋晚題湖城驛池上亭

賈客詞 調瑟詞



中唐詩二  
讀張曲江集作

詠古二首有所寄

磨鏡篇

登司馬錯古城

謁枉山會禪師

臥病聞常山旋師出勳

宥過王澤大洽因寄李六侍郎

善卷壇下作

武陵觀火詩

崔元受少府自貶所還遺山薑花以詩答之

途中早發

和董庶中古散調詞贈

尹果毅

望衡山

遊桃源一百韻

客有爲余話登天壇遇

雨之狀因以賦之

秋江早發

有僧言羅浮寺因爲詩以寫之

裴祭酒尚書見示春歸城南青松塢別墅寄王

左丞高侍郎之什命同作

和河西裴尹侍郎宿齋天平寺詣九龍祠祈雨

二十韻

冬夜宴河中李相公中堂命箏歌送酒

重至衡陽傷柳儀曹 謫居悼往二首

更衣曲

桃源行



洞庭秋月

九華山

恭娘歌

龍陽縣歌

墻陰歌

沓潮歌

白鷺兒

武夫詞

萋兮吟

兢渡曲

送裴處士應制舉

赴汝州途出浚下留辭李相公

送僧仲制東遊兼寄呈靈澈上人

觀碁歌送儂師西遊  
送鴻舉師遊江南

三鄉驛樓伏觀玄宗聖女几山詩小臣斐然有

感

武昌老人說笛歌

西山蘭若試茶歌

平蔡州三首

聚蚊謠

百舌吟

飛鷺操

秋螢引

傷秦妹行

採菱行

春有情篇

七夕二首

邊風行

送工部蕭郎中刑部李郎中並以本官兼中丞



分命克京西京北覆糧使  
送太常蕭博士棄官歸養赴東都

歲杪將發楚州

發華州留別張侍御

奉送家兄歸王屋山隱居二首

送王師曾協律赴湖南使幕

送趙中丞自司金外郎轉官參山南令狐僕射

幕府

送盧處士歸嵩山別業

送洛中崔司業使君扶持赴唐州

送李友路秀才赴舉  
送從弟郎中赴浙西

送元曉上人歸稽亭

贈別君素上人

送深法師遊南嶽

贈別約師

送鴻舉師赴江南

贈眼醫婆羅門僧

送如智法師

春日退朝

蜀先主廟

經東都安國觀九仙公

主舊院作

觀八陣圖

八月十五夜觀月

大和戊申歲大有年詔

賜百寮出城觀秋稼謹書盛事以俟采詩者

金陵懷古

晝居池上亭獨吟



分司東都蒙襄陽李司徒相公書問因以奉寄  
門下相公榮加冊命天下同歡忝沐眷私輒敢

申賀

病中六二禪客見問因

以謝之

秋江晚泊

步出武陵東亭臨江寓望

秋日送客至潛水驛

湖州崔郎中曾長寄三癖詩自言癖在詩與琴

酒其詞逸而高今詠不足昔柳吳興亭臯

首之句王融書之白團扇故爲四韻以謝之

爲郎分司寄上都同舍

登陝州城北樓卻寄京都親友

途中早發

陝州河亭陪韋伍大夫雪後眺望因以留別與

文韋有布衣之舊一別二紀經遷貶而歸

城東閒遊

罷郡歸洛陽閒居

晚泊牛渚

宿誠禪師山房題贈二首

贈澧州高大夫司馬霞寓



月  
卷六  
聞董評事疾因以書贈

詠庭梅寄人

德宗神武孝文皇帝挽歌二首

敬宗睿武昭愍孝皇帝挽歌三首

文宗元聖昭獻孝皇帝挽歌三首

故相國燕國公于司空挽歌二首

傷丘中丞

河南觀察使故相國袁公挽歌三首

哭王僕射相公

傷韋賓客

再經故元九相公宅池上作

送工部張侍郎入蕃吊祭

早秋送臺院楊侍郎歸朝

送陸侍御歸淮南使府五韻

送令狐相公自僕射出鎮南梁

奉送裴司徒令公自東都留守再命太原

海陽湖別浩初師

許給事見示哭工部劉尚書詩因命同作

奉和中書崔舍人八月十五日夜翫月二十韻

唐詩  
劉禹錫



奉和淮南李相公暮秋卽事寄成都武相公

元和癸巳歲仲秋詔發江陵偏師問罪蠻徼後

命宣慰釋兵歸降凱旋之辰率爾成詠寄荆

南嚴司空

武陵書懷五十韻  
早秋集賢院卽事

奉和吏部楊尚書太常李卿二相公策免後卽

事述懷贈答十韻

晚歲登武陵城顧望水陸悵然有作

罷郡歸洛陽寄友人  
經伏波神祠

送春詞

送李尚書鎮滑州

送渾大夫赴豐州

送李庚先輩赴選

送源中丞充新羅冊立使

送王司馬之陝州

洛中送處厚入關使遊蜀謁韋令公

送周使君罷渝州歸郢州別墅

送浙江李僕射相公赴鎮

重送浙西李相公頃廉問江南已經七載後歷

滑臺劍南兩鎮遂入相今復領舊地新加旌



旄

送前進士蔡京赴學究科

送唐舍人出鎮閩中 送李中丞之楚州

奉送李戶部侍郎自河南尹再除本官歸闕

送蘄州李郎中赴任

送國子令狐博士赴典元觀省

送李二十九兄員外赴邠寧使幕

送分司陳郎中祗召直史館重修三聖實錄

送慧則法師赴都因呈廣宣上人

送義舟師卻還黔南

送景玄師東歸

廣宣上人寄在蜀與韋令公唱和詩卷因以令

公手扎答詩示之 送僧元嵩東遊

贈日本僧智藏 送元簡上人適越

送宗密上人歸南山草堂寺因詣河南尹白侍

郎 西塞山懷古

陽山廟賽神 漢壽城春望

荊州道懷古



朗州竇員外見示與澧州元郎中郡齋贈答長句二篇因以繼和

早春對雪奉寄澧州元郎中

竇朗州見示與澧州元郎中早秋贈答命同作

松磁渡望峽中

衢州徐員外使君遺以縞紵兼竹書箱因賦

篇用答佳貺

唐秀才贈端州紫石硯以詩答之

覽董評事思歸之什因以詩贈

謝寺雙檜

寄楊八壽州

洛中寺北樓見賀監草書題詩

聞韓賓擢第歸覲以詩美之兼賀韓十五曹長

時韓牧永州

宣上人遠寄和禮部王侍郎放榜後詩因以繼

和

贈東嶽張鍊師

祕書崔少監見示墜馬長句因而和之

寄楊虢州與之舊姻

秋日題竇員外崇德里新居



蒙恩轉儀曹郎依前充集賢學士舉韓湖州自  
代因寄七言

途次華州陪錢大夫登北樓春望因觀李崔令  
狐三相國唱和之什翰林舊侶繼踵華城山  
水清高鳳翔集皆忝宿眷遂題此詩

始聞秋風

洛中初冬拜表有懷上京故人  
尉遲郎中見示自南遷牽復却至洛城東舊居  
之作因以和之

洛中謝福建陳判官見贈

和蘇十郎中謝病閒居時嚴常侍蕭給事同遊  
訪歎初有二毛之作

酬淮南廖參謀秋夕見過

題王郎中宣義里新居

酬朗州崔員外與任十四兄侍御同過鄙人舊  
居見懷之什時守吳郡

劉駙馬水亭避暑

述舊賀遷寄陝虢孫常侍



江陵嚴司空見示與成都武相公唱和因命同  
作 偃松詩

贈致仕滕庶子先輩吳哭呂衡州時予方謫居  
夔州竇員外使君見示悼妓詩顧余嘗識之命

同作

竇夔州見寄寒食日憶故姬小紅吹笙因和之

哭龐京兆

荊州歌二首

紀南歌

視刀環歌

三閣辭四首

淮陰行五首

戲和呂八郡中書懷

秋風引

柳花詞三首

路傍曲

君山懷古

庭竹

唐郎中宅與公同飲酒看牡丹

題壽安甘棠館二首

古調二首

寓興二首

詠史二首

經檀道濟故壘

傷段右丞

傷獨孤舍人

再傷龐尹

紇那曲詞二首

詠樹



渾侍中牡丹

館娃宮在舊郡西南硯

石山上瞰姑蘇臺傍有采香徑梁天監中置

佛寺曰靈崑卽故宮也信爲絕境因賦二章

敬酬微公見寄二首 鄂渚畱別李表臣

答表臣贈別二首 始發鄂渚寄表臣二首

出鄂州界懷表臣二首

和游房公舊竹亭聞琴

和西川李尚書知與元武昌有舊遠示二篇

別蘇州二首 罷和州游建康

九日登高 答樂天二首

酬楊侍郎

後梁宣明二帝碑堂下作

魏宮詞二首 楊枝詞三首

竹枝詞二首 隄上行三首

踏歌詞四首 步虛詞二首

阿嬌怨 秋詞二首

秋扇詞 竹枝詞九首

楊枝詞九首 瀟湘神二首



浪淘沙詞九首

洛中送韓七中丞之吳

興口號五首

送廖參謀東遊二首

洛中春末送杜錄事赴蘄州

夜燕福建盧侍御宅因送之鎮

重送鴻舉師赴江陵謁馬逢侍御

贈長沙讚頭陀

送霄韻上人遊天台

臺城懷古

戲贈崔千牛

揚州春夜李端公益張侍御登段侍御平仲密

縣李少府暘祕書張正字復元同會於水館

對酒聯句追刻燭擊銅鉢故事遲輒舉觥以

美飲之逮夜艾羣公沾醉紛然就枕余偶獨醒

因題詩於段君枕上以志其事

逢王十二學士入翰林因以詩贈

闕下口號呈柳儀曹

監祠夕月壇書事

元和甲午歲詔書盡徵江湘逐客余自武陵赴

京宿於都亭有懷續

元和十一年自朗州承召至京戲贈看花諸君

子

再遊玄都觀



與歌者米嘉榮

望夫石

聽舊宮中樂人穆氏唱歌

石頭城

烏衣巷

臺城

生公講堂

江令宅

韓信廟

秋夜安國觀聞笙

故洛城古墻

李賈二大諫拜命後寄楊八壽州

美溫尚書鎮定興元以詩寄賀

酬端州吳大夫夜泊湘川見寄一絕

徵還京師見舊番官馮叔達

與歌者何戡

與歌童田順郎

燕爾館破屏風所畫至精人多歎賞題之

贈李司空妓

題敬器圖

傷桃源薛道士

王思道碑堂下作

傷愚溪三首

傷循州渾尚書

代靖安佳人怨二首

碧澗寺見元九侍御和展上人詩有三生之句

因以和



酬馬大夫登涯口戍見寄

贈元九文石枕寄唐州楊八

同樂天登樓靈寺塔和裴相公傍水閒行

杏園花下春詞

憶樂天虎丘寺見元相公題名

楊枝詞寄贈小樊

酬樂天自問和令狐相公別牡丹

贈劉景擢第和令狐相公聞思帝鄉

有感酬令狐見寄

酬令狐春意城內花園值春霜一夕

菱謝和裴晉公涼風亭睡覺

答裴公雪夜訝諸公不相訪

和人憶江南故吏歌赴連山

有所嗟二首和裴令公請樂天寄奴

買馬酬牛相見寄

答張侍御赴連州諸公置酒相送

梁國祠酬元九

酬楊侍郎答楊敬之時亦謫居



和嚴給事聞唐昌觀玉蘂花下有仙遊二首

酬楊八副使將赴湖南見寄

和元相公  
謝惠班竹杖

常州楊給事新樓  
和裴令公夜宴

酬李侍郎惠藥  
寄李表臣二首

酬李相公別後夢同遊

酬裴尹攜酒兼喜眼疾平

和滑州李尚書上巳憶江南禊事

和西川李尚書傷孔雀及薛濤

答柳柳州三首  
重別柳柳州

登清輝樓  
遇毛仙翁

寄毗陵楊給事三首  
陪宴杏園

曹剛  
寄湖州韓中丞

田順郎歌  
夜聞商人船中箏

聞道士彈思歸引  
喜康將軍見訪

嘗茶  
月望洞庭

賞牡丹二首



黃葛長二首

且望國政

寄來深軍長

寄謝故人

寄謝故人

劉禹錫

團扇歌

團扇復團扇奉君清暑殿秋風入庭樹從此不相見  
見上有乘鸞女蒼蒼網蟲遍明年入懷袖別是機

中練

宜城歌

野水繞空城行塵起孤驛荒臺側生樹古碣陽鐫額  
靡靡渡行人溫風吹宿麥

順陽歌



朝辭官軍驛前望順陽路野水齧荒墳秋蟲鏤宮  
樹曾聞天寶來□馬西南驚城守魯將軍拔城從  
此去

莫徭歌

莫徭自生長名字無符籍市易雜鮫人婚姻通木  
客星居占泉眼火種開山脊夜渡千仞谿含沙不  
能射

度桂嶺歌

桂陽嶺下下復高高人稀鳥獸駭地遠草木豪寄  
言千金子知余歌者勞

插田歌

連州城下俯接村墟偶登郡樓適有  
所感遂書其事爲俚歌以俟采詩者

岡頭花草齊燕子東西飛田塍望如線白水光參  
差農婦白紵裙農夫綠蓑衣齊唱田中歌嚶嚶如  
竹枝但聞怨響音不辨俚語詞時時一大笑此必  
相嘲嗤水平苗漠漠煙火生墟落黃犬往復還赤  
雞鳴且啄路傍誰家郎烏帽衫袖長自言上計吏  
年幼離帝鄉田夫語計吏君家儂定記一來長安



道眼大不相覷計吏笑致辭長安真大處省門高  
軻峩儂入無度數昨來補衛士唯用筒竹布君看  
二三年我作官人去

葡萄歌

田野生葡萄纏繞一枝蒿移來碧墀下□□□□  
□分岐浩繁縛脩蔓蟠詰曲揚翹向庭柯意思如  
有屬爲之立長架布濩當軒綠米液漑其根理疎  
看滲漉繁葩組綬結懸實珠璣蹙馬乳帶輕霜龍  
鱗曜初旭有客汾陰至臨堂瞪雙目自言我晉人  
種此如種玉釀之成美酒令人飲不足爲君持一  
斗往取涼州牧

蠻子歌

鈎輶語音蠻身衣斑爛布熏程掘沙鼠時節祀盤  
瓠忽逢乘馬客恍若驚麝顧腰斧上高山竟行無  
舊路

馬嵬行

綠野扶風道黃塵馬嵬驛路邊楊貴人墳高三四  
尺乃問里中兒皆言幸蜀時軍家誅佞倖天子捨



妖姬羣吏伏門屏貴人牽帝衣低回轉美目風日  
爲無暉貴人飲金屑倏忽舜英暮平生服杏丹顏  
色真如故屬車塵已遠里巷來窺覷共愛宿粧妍  
君王畫眉處履綦無復有文組光未滅不見巖畔  
人空見凌波襪郵童愛踪跡私手解鞶結傳看千  
萬眼縷絕香不歇指環照骨明首飾敵連城將入  
咸陽市猶得賈胡驚

平五 百花行

長安百花時風景宜輕薄無人吝沽酒何處不聞  
樂春風連夜動微雨凌曉濯紅焰出牆頭雪光映  
樓角繁紫映松竹遠黃繞籬落臨路不勝悲輕飛  
去何託滿庭蕩魂魄照廡成丹渥爛熳簇顛狂飄  
零勸行樂時節易昏晚清陰覆池閣唯有安石榴  
當軒慰寂寞

壯士行

陰風振寒郊猛虎正咆哮徐行出燒地連吼入黃  
茅壯士走馬去鎗前彎玉弣叱之使人立一發如  
鼓交悍晴忽星墮飛血濺林梢彪炳爲我席羶腥



充我庖里中欣害除賀酒紛呶號明日長橋上傾  
城看斬蛟

苦雨行

悠悠飛走情同樂在陽和歲中三百日常恐風雨  
多天人信遐遠時節易蹉跎洞房有明燭無乃酣  
且歌

華山歌

洪鑪作高山元氣鼓其橐俄然神功就峻拔在寥  
廓靈跡露指爪殺氣見稜角凡木不敢生神仙聿  
來託天資帝王宅以我爲關鑰能令下國人一見  
換神骨高山固無限如此方爲嶽丈夫無特達雖  
貴猶碌碌

拋毬樂詞二首

五綵繡團圓登君玳瑁筵最宜紅燭下偏趁落花  
前上客如先起應須贈一船  
春早見花枝朝朝恨發遲及看花落後却憶未開  
時幸有拋毬樂一杯君莫辭

華清詞



日出驪山東裴徊照溫泉樓臺影玲瓏稍稍開白  
烟言昔太上皇寄居此祈年風中聞清樂往往來  
列仙翠華入五雲紫氣歸上玄哀哀生人淚泣盡  
弓劍前聖道本自我凡情徒顛然小臣感玄化一  
宰青冥天

送春曲三首

春向晚春晚思悠哉風雲日已故花葉自相催漠  
漠空中去何時天際來  
春已暮冉冉如人老吹葉見殘花連天是青草可  
憐桃與李從此同桑棗  
春竟去此去何時回遊人千萬恨落日高臺寂  
寞繁花盡流鶯歸不來

初夏曲三首

銅壺方促夜斗柄暫南回稍嫌單服重初憐北戶  
開西園花已盡新月爲誰來  
時節過繁華陰陰千萬家巢禽命子戲園果墜枝  
斜寂寞孤飛蝶窺叢覓晚花

綠水風初暖青林露早晞麥隴雉朝雒桑野人暮



歸百舌悲花盡無聲來去飛

搗衣曲

爽砧應秋律繁杵含凄風一一遠相續家家音不  
同戶庭凝露清伴侶明月中長裾委襞積輕珮垂  
璉瓏汗餘衫更馥鈿移麝半空報寒驚邊雁促思  
聞候蟲天狼正芒角虎落定相攻盈篋寄何處征  
人如轉蓬

畚田作

何處好畚田團團縵山腹鑽龜得兩卦上山燒臥  
木驚麇走且顧羣雉聲咿啞紅焰遠成霞輕煤飛  
入郭風引上高岑獵獵度青林青林望靡靡赤光  
低復起照潭出老蛟爆竹驚山鬼夜色不見山孤  
明星漢間如星復如月俱逐曉風滅火從敲石光  
遂至烘天熱下種暖灰中乘陽坼芽孽蒼蒼一雨  
後茗穎如雲發巴人拱手吟耕耨不關心由來得  
地勢徑寸有餘金

鷓鴣吟

朝陽有鳴鳳不聞千萬祀鷓鴣催衆芳晨間先入



耳秋風白露晞從是爾啼時如何上春日唧唧滿  
庭飛

觀雲篇

興雲感陰氣疾走如見機晴來意態行有若功成  
歸蔥龍含晚景潔素凝秋暉夜深度銀漢漠漠仙  
人衣

養鷲詞

途逢少年志在逐獸方呼鷹隼以襲飛  
走因縱觀之卒無所獲行人有常從事  
於斯者曰夫鷲禽飢則爲用今哺之過  
篤故也予感之作養鷲詞

養鷲非玩形所資擊鮮力少年昧其理日月哺不  
息探雛網黃口且暮有餘食寧知下韝時翅重飛  
不得毳毳上林表狡兔自南北飲啄旣已盈安能  
勞羽翼

別友人後得書因以詩贈

前時送君去揮手青門橋路轉不相見猶聞馬蕭  
蕭今得出關書行程日已遙春還遲君至共結芳  
蘭茗

送華陰尉張茗赴邕府使幕

張卽燕公之孫  
頃坐事除名



中唐詩八  
昔忝南宮郎往來東觀頻嘗披燕文傳聳若窺三  
辰翊聖崇國本像賢正朝倫高視緬今古清風夏  
無鄰蘭綺照通衢一家十朱輪鄴國嗣侯絕韋卿  
世業貧夫子承大名少年振芳塵青袍仙掌下矯  
首凌烟旻公冶本非罪潘郎一爲民風霜苦搖落  
堅白無緇磷一旦逢良時天光燭幽淪重爲長裾  
客佐彼觀風臣分野窮禹畫人煙過虞巡不言此  
行遠所樂相知新雨起巫山陽鳥鳴湘水濱離筵  
出蒼莽別曲多悲辛今朝一杯酒明日千里人從  
此孤舟去悠悠天海春

送湘陽熊判官孺登府罷歸鍾陵因寄呈江

西裴中丞二十三兄

射策志未就從事歲云除篋畱馬卿賦袖有劉弘  
書忽見夏木深悵然憶吾廬復持州民刺歸謁專  
城居君家誠易知勝絕傾里閭人言北郭生門有  
卿相與鍾陵藹千里帶郭西江水朱檻照河宮旗  
亭綠雲裏前年初缺守鎮簡由宸辰臨軒弄郡章  
得人方付此是時左馮翊天下第一理貴臣持牙



中唐詩九  
璋優詔發青紙迎風汚吏免先令疲人喜何武効

腐儒陳蕃禮高士昔升君子堂腰下綬猶黃冲丞時爲

萬年射 汾陰有寶氣赤堇多光鉉束簡下曲臺佩韃

來歷陽綺筵陪一笑蘭室襲餘芳風水忽異勢江

胡虜相忘因君倘借問爲話老滄浪

送韋秀才道冲赴制舉

驚禽一辭巢棲息無少安秋扇一離手流塵蔽霜

紈故侶不可追涼風日已寒遠逢杜陵士別盡平

生歡逐客無印綬楚江多芷蘭因居時暇遊長狹

不復彈閱書南軒際組瑟清夜闌萬境身外寂一

杯腹中寬伊昔玄宗朝冬卿冠鴛鸞蕭穆升內殿

從容領儒冠游夏無措詞陽秋垂不刊至今羣玉

府學者空縱觀世人希德門揭若攀峯巒之子向

明訓鏘如振琅玕一旦西上書道上拂征鞍荆臺

宿暮雨漢水浮春瀾君門起天中多士如星攢煙

霞覆雙闕抃舞羅千官清漏滴銅壺仙厨下雕盤

熒煌仰金榜錯落濡飛翰古來才傑士所歎遭時

難一鳴從此始相望青雲端



送李策秀才還湖南因寄幕中親故兼簡衡  
州李八郎中

深春風日淨晝長幽鳥鳴僕夫前致詞門有白面  
生攝衣相問訊解帶坐南榮端志見眉曉方言發  
精誠因出懷中文調孤詞亦清悄如促柱絃掩抑  
多不平乃言本蜀士世降岷山靈前人秉藝文高  
視來上京曳綬司徒府所從信國楨析薪委空林  
善響難繼聲何處翳附郭幾人思邨成雲天望喬  
木風水悲流萍前與計吏西始列貢士名森然就  
筆札從試春官卿帝城岐路多萬足俟晨星茫茫  
風塵中工拙同有營寒女勞夜織山苗榮寸莖俟  
門方擊鐘衣褐誰將迎弱羽果摧頽壯心鬱怍怍  
諒無蟠木容聊復蓬累行昨日訊靈龜絲言利艱  
貞當求捨拔中必在審已明誓將息薄遊焦思窮  
筆精蒔蘭在幽渚安得揚芬馨嗟余摧落者散質  
負華纓一聆苦辛詞再動伊鬱情身棄言不動愛  
才心尚驚恨無羊角風使爾化北溟論罷情益親  
涉旬忘歸程日攜邑中客閒眺江上城晝渴命金



巖宵談轉瘖衡薰風香塵尾月露濡桃笙忽被戒  
羸驂薄言事南征火雲蔚千里旅思浩已盈湘江  
含碧虛衡嶺浮翠晶豈伊山水異適與人事并油  
幙似昆丘粲然疊瑤瓊庾樓見清月孔座多綠醞  
復有衡山守本自雲龍庭至和在靈府發越侔咸  
英一揮出滎陽惠彼蚩蚩氓隼旟辭灞水居者皆  
涕零惟昔與伊人交歡經宿齡一從雲雨散滋我  
鄙吝萌北渚不堪愁南音誰復聽離憂若去水浩  
蕩無時停嘗聞祝融峰上有神禹銘古石琅玕姿  
祕文螭虎形聖功莫遠服神物擁休禎賢人在其  
下彷彿疑蓬瀛君行歷郡齋大袂拂雙旌飾容遇  
朗鑒肝鬲可以呈昔日馬相如臨卭坐盡傾勉君  
刷羽翰蚤取凌青冥

送張盥赴舉

爾生始懸弧我作座上賓引箸舉湯餅祝詞天麒麟  
今成一丈夫坎壈愁風塵長裾來謁我白號廬  
山人道舊與撫孤悄然傷我神依依見眉睫嘿嘿  
含悲辛永懷同年友追想出谷晨三十二君子齊



飛凌煙旻曲江一會時後會已凋淪况今三十載  
閱世難重陳盛時一已過來者日日新不如搖落  
樹重有明年春火後見琮璜霜餘識松筠蕭機乃  
獨秀武部亦絕倫爾今持我詩西見二重臣成賢  
必念舊保貴在安貧清時為情節氣力侔陶鈞乞  
取斗升水因之雲漢津

送和州錢侍郎自宣州幕拜官便於華州觀

五綵繡衣裳當年正相稱春風舊關路歸去真多

興蘭陔行可採蓮府猶回瞪楊家紺幘迎侍御耶王相公

貴謝守瑤華贈宣州崔相公御街草泛灑臺栢煙有詩贈行

含凝曾是平昔遊無因理歸乘

送僧方及謁柳員外

昔事廬山遠精舍虎溪東朝陽照瀑水樓閣虹霓  
中騁望羨游雲振衣若秋蓬舊房閉松月遠思吟  
江風古寺歷頭陀奇峰扳祝融南登小桂嶺却望  
歸塞鴻衣袂貯文章自言學雕蟲捨榆念陵厲覆  
簣圖穹崇遠郡多暇日有詩訪禪宮石門聳峭絕



竹院含空濛幽響滴巖溜晴芳飄野叢海雲懸颺  
母山果屬狙公忽憶吳興郡白蘋正蔥蘢願言挹  
風采邈若窺華嵩桂水夏瀾急火山燒焰紅三衣  
濡菌露一錫飛煙空勿謂翻譯徒不為文雅雄古  
來賞音者焦爨得孤桐

送惟良上人

高齋映寒水是夕山僧至玄牝無關鎖瓊書拾文  
字燈明香滿室月午霜凝地語到不言時世間人  
盡睡

翠微寺有感

吾王昔遊幸離宮雲際開朱旗迎夏早涼軒避暑  
來湯餅賜都尉寒氷頒上才龍顏不可望玉座生  
塵埃

觀舞柘枝二首

胡服何葳蕤僊僊登綺墀神廳獵紅渠龍燭焚金  
枝垂帶覆纖腰安鈿當嫵眉翹袖中繁鼓傾眸遡  
華榭燕秦有舊曲淮南多冶詞欲見傾城處君看  
赴節時



山雞臨清鏡石燕赴遙津何如上客會長袖入華  
裊體輕似無骨觀者皆聳神曲盡回身去層波猶  
注人

連州臘日觀莫徭獵西山

海天殺氣薄蠻軍步伍囂林紅葉盡變原黑草如  
燒圍合繁鉦息禽興大旆搖張羅依道口喉犬上  
山腰猜鷹慮奮迅驚麇時跼跳瘴雲四面起鵬雪  
半空消箭頭餘鵠血鞍傍見雉翹日暮還城邑金  
笳發麗譙

寄陝州姚中丞

時分司  
東都

八月天地肅二陵風雨收旌旗闕下來雲日關東  
秋禹跡想前事漢臺餘故丘徘徊襟帶地左右帝  
王州畱滯悲昔老恩光榮徹侯相思望棠樹一寄  
商聲謳

奉酬湖州崔郎中見寄五韻

山陽昔相遇灼灼晨葩鮮同遊翰墨場和樂塤篪  
然一落名宦途浩如乘風船行當衰暮日臥理淮  
海濤猶期謝病後共樂桑榆年



學阮公體三首

少年負志氣信道不從時只言繩自直安知室可欺百勝慮無敵三折乃良醫人生不失意焉能慕已知

朔風悲老驥秋霜動鷲禽出門有遠道平野多層陰滅沒馳絕塞振迅拂華林不因感衰節安能激壯心

昔賢多使氣憂國不謀身目覽千載事心交上古人侯門有仁義靈臺多苦辛不學腰如磬徒使旣生塵

偶作二首

終朝對尊酒嗜興非嗜甘終日偶衆人縱言不縱談世情閒盡見藥性病多諳寄謝嵇中散予無甚不堪

萬卷堆牀書學者識其真萬里長江水征夫度要津養生非但藥悟佛不因人燕石何須辨逢時卽至珍

昏鏡詞 并引

寺劉禹錫



鏡之工列十鏡於賈奩發奩而視其一  
皎如其九霧如或曰良楛之不侔甚矣  
工解願謝曰非不能盡良也蓋賈之意  
唯售是念今來市者必歷鑿昧與已宜  
彼皎者不能隱芒杪之瑕非美容不合  
是用什一其數也予感之作昏鏡詞

昏鏡非美金漠然喪其精陋容多自欺謂若他鏡  
明瑕疵既不見妍態隨意生一日四五照自言美  
傾減飾帶以綺繡裝匣以瓊瑛秦宮豈不重非適  
乃為輕

秋晚題湖城驛池上亭

秋次池上館林塘照南榮塵衣紛未解幽思浩已

盈風蓮墜故萼露菊含晚英恨為一夕客愁聽晨

雞鳴

賈客詞

并引

五方之賈以財相雄而鹽賈尤熾  
或曰賈雄則農傷予感之作是詞

賈客無定遊所遊唯利并眩俗雜良苦乘時取重  
輕心計析秋毫捶鈎侔懸衡錐刀既無棄轉化日  
已盈微福禱波神施財遊化城妻約雕金釧女垂  
貫珠纓高貲比卦君奇貨通倖卿趨時鷲鳥思藏  
鏹盤龍形大編浮通川高樓次旗亭行止皆有樂



關梁似無征農夫何為者辛苦事寒耕

調瑟詞 并引

里有富豪翁厚自奉養而嚴督臧獲力  
屈形削猶役之無藝極一旦不堪命亡  
者過半追亡者亦不來復翁頽沮而  
追昨非之莫及也予感之作調瑟詞

調瑟在張絃絃平音自足朱絲二十五缺一不成

曲美人愛高張瑤軫再三促上絃雖獨響下應不

相屬日暮聲未和寂寥一枯木却顧膝上絃流淚

難相續

讀張曲江集作 并引

世稱張曲江為相建言放臣不宜與善  
地多徙五溪不毛之鄉及今讀其文自  
內職收始安有瘴癘之歎自退相守荆  
門有拘囚之思託諷禽鳥寄詞草樹鬱  
然有騷人風嗟夫身出於遐陬一失意  
而不能堪矧華人士族而必致醜地然  
後快意哉議者以曲江為良臣識胡雛  
有反相羞凡器與同列密啓廷爭雖古  
哲人不及而燕翼無似終為餒魂豈伎  
心失怒罹陰謫最大雖二美莫贖邪不  
然何袁公一言明楚獄而鐘鼎四葉以  
是相較神可誣乎予讀其文因為詩以  
吊

聖言貴忠恕至道重觀身法在何所恨色傷斯為

仁良時難久恃陰謫豈無因寂寞韶陽廟魂歸不



見人

詠古二首有所寄

車音想麟麟不見綦下塵可憐平陽第歌舞嬌青  
春金屋容色在文園詞賦新一朝復得幸應知失  
意人

寂寞照鏡臺遺基古商陽真人昔來遊翠鳳相隨  
翔目成在桑野志遂貯椒房豈無三千女初心不  
可忘

磨鏡篇

流塵翳明鏡歲久看如漆門前負局人爲我一磨  
拂萍開綠池滿暈盡金波溢白日照空心圓光走  
幽室山神妖氣沮野魅真形出却思未磨時瓦礫  
來唐突

登司馬錯古城

非木山東

秦昭王命錯征五溪蠻城在武陵沅江南

將軍將秦師西南莫遐服故壘清江上蒼烟晦喬  
木登臨直蕭辰周覽壯前躅塹平陳葉滿墉高秋  
蔓綠廢井抽寒菜毀臺生穠穀耕人得古器宿雨



多遺鏃楚塞鬱重疊蠻溪分詰曲畱此數仞基幾  
人傷遠自蕭颯風貫其前颯颯平東葉流澗高水  
謁在山會禪師恩如姑壘常以土登國孰  
我本山東人平生多感慨弱冠遊咸京上書金馬  
外結交當世賢馳聲溢四塞勉修貴及早徂健不  
知退鎬銖揚芬馨尋尺招瑕頽淹畱郢南鄙摧頽  
羽翰碎安能咎往事且欲去沈疴吾師得真如寄  
在人寰內哀我墮名網有如翽飛輩墮墮揭智燭  
照使出昏昧靜見玄關啓歆然初心會夙尚一何  
微今得信可大覺路明證入便門通懺悔悟理言  
自忘處屯道猶泰色身豈吾寶慧性非形礙思此  
靈山期未卜何年載

臥病聞常山旋師策勲宥過王澤大洽因寄

李六侍郎

寂寂重寂寂病夫臥秋齋夜蛩思幽壁槁葉鳴空  
堦南國異氣候火旻尚昏霾瘴煙跼飛羽沴氣傷  
百骸昨聞凱歌旋飲至酒如淮無戰陋丹水垂仁  
輕橐銜清廟旣策勲圓丘俟燔柴車書一以混幽



遠靡不懷逐客顛顛久故鄉雲雨乖禽魚各有化  
予欲問齊諧齊諧者魯國至西伯也無神國長木齊諧者魯國至西伯也  
善卷壇下作善卷者魯國至西伯也  
先生見堯心相與去九有斯民既已治我得安林  
數道爲自然貴名是無窮壽瑤臺在此山識者常  
回首回首者魯國至西伯也

武陵觀火詩

楚鄉祝融分炎火常爲虞是時直突烟發自晨炊  
徒盲徒盲者魯國至西伯也扇其威白晝燠陽烏操綆不暇汲循墻還

避踰怒如列缺光迅與焚輪俱聯延掩四達赫奕  
成洪鑪洵疑雲濤翻颯若鬼神趨當前迎炊艸是  
物同膏腴金鳥入梵天赤龍遊玄都騰煙透窓戶  
飛焰生藥爐火山摧半空星雨灑中衢瑤壇被髹  
漆寶樹攢珊瑚光縣與琴焦旗亭無酒濡市人委  
百貨邑令遺雙鳧餘勢下隈隩長燂烘舳艫吹熒  
照水府炙浪愁天吳灾罷雲日晚心驚視聽殊高  
灰辨廩庾黑土連闔閭衆燼合星羅遊氛鑠人膚  
厚地藏宿熱遙林呈驟枯火德資生人庸可一日



無御之失其道敲石彌天隅晉庫走龍劍吳宮傷  
燕雛五行有沴氣先哲垂訄謨宋鄭同日起時稱  
賢大夫無苛自可樂彌患意所圖賢守恤人瘼臨  
煙駐驪駒吊傷色慘怛嗒失詞劬愉下令蠲里布  
指期輕市租開垣適未立苦蓋自相娛山木行剪  
伐江泥宜墜塗邑臣不必葺何用徵越巫

崔元受少府自貶所還遺山薑花以詩答之  
故人博羅尉遺我山薑花採從碧海上來自謫仙  
家雲濤潤孤根陰火照晨葩靜搖扶桑日豔對瀛  
洲霞世人受苦辛攀擷忘幽遐傳名人帝里飛騎  
辭天涯王濟本尚味石崇方鬪奢雕盤多不識綺  
席乃增華驛馬損筋骨貴人滋齒牙顧予藜藿士  
持此重咨嗟

途中早發

馬踏塵上霜月明江頭路行人朝氣銳宿鳥相辭  
去流水隔遠村縵山多紅樹悠悠關塞內往來無  
閒步

和董庶中古散調詞贈尹果毅



昔聽東武吟壯年心已悲如何當獲落聞君辛苦  
辭言有窮巷士弱齡頗尚奇讀得玄女符生當事  
邊時借名遊俠窟結客幽并兒往來長秋間能帶  
雙韃馳崩騰天寶末塵暗燕南陲燿火入咸陽詔  
徵神武師是時占軍幕插羽揚金羈萬夫列轅門  
觀射中戟支誓言雪國讎親愛從此辭中宵倚長  
劍起視蚩尤旗介馬晨蕭蕭陣雲竟天涯陰風獵  
白草旗掣光參差勇氣貫中腸視身忽如遺生擒  
白馬將口騎不敢追貴臣上戰功名姓隨意移終

歲肌骨苦他人印纍纍謁者旣清宮諸侯各罷戲  
上將賜甲第門戟不可窺昔血下沾袷天高閭無  
期却尋故鄉路孤影空相隨行逢里中舊樸藪昔  
所嗤一言合侯王腰佩黃金龜問我何自苦可憐  
真數奇遲回顧徒御得色懸雙眉翻然悟世途撫  
已昧所宜田園已蕪沒流浪江海湄鷺禽毛翮摧  
不見翔雲姿衰容蔽逸氣孑孑無人知寂寞草玄  
徒長吟下書帷聞君發哀韻若扣瑤林枝有客識  
其真潺湲涕交頤勸爾一杯酒陶然足自怡



望衡山交鳳博爾一林  
東南地益卑維嶽資柱石前當祝融居上拂朱鳥  
翻青冥結精氣磅礴宣地脉還聞膚寸陰能致彌  
天澤

遊桃源一百韻

沅江清悠悠連日鬱岑寂回流抱絕巘皎鏡含虛  
碧昏旦遞明媚煙嵐分委積香蔓垂綠潭暴龍照  
孤磧淵明著前志子驥思遠蹠寂寂無何鄉密爾  
天地隔金行大元歲漁者偶探陟尋花得幽踪窺

洞穿闇隙依微聞雞犬豁達值阡陌居人互相迎  
笑語如平昔廣樂雖交奏海禽心不憚揮手一來  
歸故溪無處覓綿綿五百載市朝幾遷革有路在  
壺中無人知地脉皇家感至道聖祚自天錫金闕  
傳本枝玉函畱寶曆禁山開祕宇復戶潔靈宅藥  
檢香氛氳醮壇煙幕幕我來塵外躅瑩若朝醒析  
崖轉對翠屏水窮畱畫鷁三休俯喬木千級扳峭  
壁旭日聞撞鐘綵雲迎躡屐遂登最高頂縱目還  
楚澤平湖見草青遠岸連霞赤幽尋如夢想縣思



屬空聞夤緣且忘疲耽玩近成癖清猿伺曉發瑤  
草凌寒折祥禽舞蔥龍珠樹搖玃璫羽人顧我笑  
勸我稅歸輓霓裳何飄颻童顏潔白背重巖是藩  
屏馴鹿受羈勒樓居邇清霄蘿蔦成翠帶仙翁遺  
竹杖王母留桃核姹女飛丹砂青童護金液寶氣  
浮鼎耳神光生劍脊虛無天樂來僊宰鬼兵役丹  
丘肅朝禮玉札工紬繹枕中淮南方牀下阜卿舄  
明鐙坐遙夜幽籟聽潏潏因話近世仙聳然心神  
惕乃言瞿氏子骨狀非凡格往事黃先生羣兒多  
侮劇警然不屑意元氣貯肝膈往往游不歸洞中  
觀博奕言高未易信猶復加訶責一旦前致辭自  
云仙期迫言師有道骨前事常被謫如今三山上  
名字在真籍悠然謝主人後歲當來覲言畢依庭  
宇如烟去無跡觀者皆失次驚追紛絡繹日暮山  
徑窮松風自蕭械適逢脩虵見瞋目光激射如巖  
三清居不使恣搜索唯餘涉江勢八趾在沙磔至  
今東北隅表以壇上石列仙徒有名世人非目擊  
如何庭廡際白日振羽翮洞天豈幽遠得道如咫



尺一氣無死生三光自遷易因思人間世前路何  
狹窄瞥然此生中善祝期滿百大方播羣類秀氣  
肖翕闢性靜本同和物牽成阻阨是非闕方寸葷  
血昏精魄遂令多天傷猶喜見斑白喧喧車馬馳  
苒苒桑榆夕共安緹繡榮不悟泥途適紛吾本孤  
賤世業在縫掖九流宗指歸百氏旁櫛撫公卿偶  
慰薦鄉曲繆推擇居安白社貧志傲玄纁辟功名  
希自取簪組俟揚歷書府蚤懷鉛射宮曾發的起  
草香生帳坐曹烏集栢賜燕聆簫韶侍祠閱琮璧  
嘗聞履忠信可以行蠻貊自述希古心妄恃干時  
畫巧言忽成錦苦志徒食檠平地生峰巒深心有  
矛戟層波一震盪弱植忽淪溺北渚吊靈均長岑  
思亭伯禍來昧幾兆事去空歎息塵累與時深流  
年隨漏滴才能疑木雁報施迷夷跣楚奏繫鍾儀  
商歌勞甯戚稟生非懸解對境方感激自從嬰網  
羅每事問龜策王正降雷雨環玦賜遷斥儻伏夷  
平人誓將羽衣客買山構精舍領徒開講席冀無  
身外憂自有閒中益道牙期日就塵慮乃冰釋且



欲遺姓名安能慕竹帛長生尚學致一漑豈虛擲  
芝朮資餽糧烟霞拂巾幘黃石履看墮洪崖肩可  
拍聊復嗟蟬蛸何煩哀虺蜴青囊旣深味瓊葩亦  
屢摘總無西山姿猶免長戚戚

客有爲余話登天壇遇雨之狀因以賦之

清晨登天壇半路逢陰晦疾行穿雨過却立視雲  
背白日照其上風雷走于內滉瀟雪海翻槎牙玉  
山碎蛟龍露鬚鬣神鬼含變態萬狀互生滅百音  
以繁會俯觀羣動靜始覺天宇大山頂自晶明人  
間已霧霈豁然重昏斂渙若春水潰反照入松門  
瀑流飛縞帶遙光泛物色餘韻吟天籟洞府撞仙  
鐘村墟起夕靄却見山下侶已如迷世代問我何  
處來我來雲雨外

秋江早發

輕陰迎曉日霞霽秋江明草樹含遠思襟懷有餘  
清凝睇萬象起朗吟孤憤平渚鴻未矯翼而我已  
遐征因思市朝人方聽晨雞鳴昏昏戀衾枕安見  
元氣英納爽耳目變玩奇筋骨輕滄州有奇趣浩



蕩吾將行

有僧言羅浮寺因爲詩以寫之

君言羅浮上容易見九垓漸高元氣壯洶湧來翼  
身夜宿最高峰瞻望浩無鄰海黑天宇曠星辰來  
逼人是時當朏魄陰物恣騰振日光吐鯨背劍影  
開龍鱗倏若萬馬馳旌旗聳齋淪又如廣樂奏金  
石含悲辛疑其有巨靈怪物盡來賓陰陽迭用事  
乃俾夜作晨咿啞天雞鳴扶桑色昕昕赤波千萬  
里湧出黃金輪下視生物息霏如隙中塵醯雞仰  
甕口亦謂雲漢津世人信耳目方寸度大鈞安知  
視聽外怪愕不可陳悠悠想大方此乃栢水濱知  
小天地大安能識其真

裴祭酒尚書見示春歸城南青松塢別墅寄

王左丞高侍郎之什命同作

蚤宦閱人事晚懷生道機時從學省出獨望郊園  
歸野約度春水山花映巖扉石頭解金章林下步  
綠薇青松鬱成塢修竹盈尺圍吟風起天籟蔽日  
無炎威危徑盤羊腸連甍聳翬飛幽谷響樵斧



潭環釣磯因高見帝城冠蓋揚光輝白雪難持寄  
清韻投所希二公如鳳雛比翼翔太微含情謝林  
壑酬贈駢珠璣顧予久即潛愁寂對芳菲一聞丘  
中趣再撫黃金徽

和河西裴尹侍郎宿齋天平寺詣九龍祠祈

雨二十韻

有事九龍廟潔齋梵王祠玉簫何時絕碧樹空涼  
颼吏散埃壒息月高庭宇宜重城肅穆閉澗水潺  
湲時人稀夜復閒慮靜境亦隨緬懷斷鼇足凝想

乘鸞姿朱明盛農節膏澤方愆期瞻言五靈瑞能  
救百穀萎咿喔晨雞鳴欄干斗柄垂修容謁神像  
注意陳正詞驚颺起泓泉若調雷雨師黑煙聳鱗  
甲灑液如芬絲豐隆震天衢列缺揮火旗炎空忽  
淒紫高雷玄縷縻生物已霧霈濕雲稍離披丹霞  
啓南陸白水含東菑熙熙飛走適藹藹草樹滋浮  
光動宮觀遠思盈川坻吳公敏於政謝守工爲詩  
商山有病客言賀舒麗眉

冬夜晏河中李相公中堂命箏歌送酒人



朗朗鵝雞絃華堂夜多思  
簾外雪已深座中人半  
醉翠蛾發清響曲盡有餘意  
酌我莫憂狂老來無  
逸氣

重至衡陽傷柳儀曹

元和乙未歲與故人柳子厚臨湘水爲別  
柳浮舟適柳州余登陸赴連州後五年  
余從故道出桂嶺至前別處而君沒於南中  
因賦詩以投吊

憶昨與故人湘江岸  
頭別我馬映林嘶君  
颯轉山滅馬嘶循故  
道颯滅如流電千里  
江蘼春故人今不見

謫居悼往二首

悵悵何悵悵長沙地  
卑濕樓上見春多  
花前恨風急猿愁斷腸  
叫鶴病翹趾立牛衣  
獨自眠誰哀仲卿泣

鬱鬱何鬱鬱長安遠  
於日終日念鄉關  
燕來鴻復還潘岳歲寒  
思屈平顛顛顏殷勤  
望歸路無雨即登山

更衣曲

博山炯炯吐香霧  
紅燭引至更衣處  
夜如何其夜



唐詩 三十  
漫漫隣雞未鳴寒雁度庭前雪壓松桂叢廊下點  
點懸紗籠滿堂醉客爭笑語嘈噴琵琶青幕中

桃源行

漁舟何招招浮在武陵水拖綸擲餌信流去誤入  
桃源行數里清源尋盡花綿綿踏花覓徑至洞前  
洞門蒼黑烟霧生暗行數步逢虛明俗人毛骨驚  
仙子爭來致詞何至此須臾皆破冰雪顏笑言委  
曲問人間因嗟隱身來種玉不知人世如風燭筵  
羞石髓勸客食燈燹松脂畱客宿雞聲犬聲遙相  
聞曉色葱籠開五雲漁人振衣起出戶滿庭無路  
花紛紛翻然恐迷鄉縣處一息不肯桃源住桃花  
滿溪水似鏡塵心如垢洗不去仙家一出尋無踪  
至今水流山重重

洞庭秋月

洞庭秋月生湖心層波萬頃如鎔金孤輪徐轉光  
不定遊氣濛濛隔寒鏡是時白露三秋中湖平月  
上天地空岳陽樓頭暮角絕蕩漾已過君山東山  
城蒼蒼夜寂寂水月逶迤繞城白蕩槩巴童歌竹



枝連檣估客吹羌笛勢高夜久陰力全金氣肅肅  
開星躔浮雲野馬歸四裔首冠星斗當中天天雞  
相呼曙霞出斂影含光讓朝日日日出喧喧人不閒  
夜來清景非人間

### 九華山

九華山在池州青陽縣西南九峰競秀  
神采奇異昔予仰大華以爲此外無奇  
愛女几荆山以爲此外無秀及今登九  
華始悼前言之容易也惜其地偏且遠  
不爲世所稱  
故歌以大之

奇峰一見驚魂魄意想洪鑪始開闢疑是九龍天

矯欲攀天忽逢霹靂一聲化爲石不然何至今悠

悠億萬年氣勢不死如騰仞音騫輕雲含幽兮月

添冷日月凝輝兮江漾影結根不得要路津迥秀

長在無人境軒皇封禪登雲亭大禹會計臨東溟

乘標力最反不來廣樂絕獨與猿鳥愁青熒君不

見敬亭之山廣索漠兀如斷岸無稜角宣城謝公

一首詩遂使聲名齊五岳九華山九華山自是造

化一尤物焉能籍甚乎人間

### 泰娘歌

并引



泰娘本韋尚書家工謳者初尚書為吳郡得之命樂工誨之琵琶使之歌且舞無幾何盡得其術居一二歲攜之以歸京師京師多新聲善工於是又捐去故技以新聲度曲教之又盡其妙而泰娘名字往往見稱於貴遊之間元和初尚書薨於東京泰娘出居民間久之為蘄州刺史張恣所得其後恣坐事謫居武陵郡恣卒泰娘無所歸地荒且遠無有能知其容與藝者故日抱樂器而哭其音嗷殺以悲雜客聞之為

歌其事以足于樂府云

泰娘家本閭門西門前綠水環金隄有時妝成好天氣走上臯橋折花戲風流太守韋尚書路傍忽見停隼旗斗量明珠鳥傳意紺幪迎入專城居長

髮如雲衣似霧錦茵羅薦承輕步舞學驚鴻水榭

春歌撩上客蘭堂暮從郎西入帝城中貴遊簪組香簾櫳低鬟緩視抱明月纖指破撥空胡風繁華一旦有消歇題劍無光履聲絕洛陽舊宅生草萊

杜陵蕭蕭松柏哀妝奩蟲網厚如蠶博山爐側傾寒灰蘄州刺史張公子白馬新到銅駝里自言買笑擲黃金月墜雲收從此始安知鵬鳥座隅飛寂寞旅魂招不歸秦嘉鏡有前時結韓壽香銷故篋衣山城少人江水碧斷雁哀猿風雨夕朱絃已絕



爲知音雲鬢未秋私自惜舉目風煙非舊時夢尋  
歸路多參差如何將此千行淚更灑湘江斑竹枝

### 龍陽縣歌

縣門白日無塵土百姓縣前挽魚罟主人引客登  
大隄小兒縱觀黃犬怒鷓鴣驚鳴繞籬落橘柚垂  
芬照窓戶沙平草綠見吏稀寂莫斜陽照懸鼓

### 墻陰歌

白日左右浮天潢朝暉影入東西墻昔爲兒童在  
陰戲當時意小覺日長東鄰侯家吹笙簧隨陰促

促移象牀西鄰田舍乏糟糠就影汲汲春黃梁因  
思九州四海外家家只占墻陰內莫言墻陰數尺  
間老却主人如等閑君看瞥眼光景促中心莫學  
太行山

### 沓潮歌

并引

元和十年夏五月終風駕濤南海羨溢  
南人曰沓潮也率三更歲一有之余爲  
連州客或爲予言其狀  
因歌之附于南越志

屯門積日無回颺滄波不歸成沓潮轟如鞭石砢  
且搖虛空欲駕鼃鼉橋驚湍蹙縮悍而驕大陵高



岸失岩堯四邊無阻音響調背負元氣掀重霄介  
鯨得性方逍遙仰鼻嘘吸揚朱翹海人狂顧迭相  
招剝衣髮首聲曉曉征南將軍登麗譙赤旗指麾  
不敢囂翌日風回沴氣消歸濤納納景昭昭烏泥  
白沙復滿海海色不動如青瑤

白鷺兒

白鷺兒最高格毛衣新成雪不敵衆禽喧呼獨凝  
寂孤眠芊芊草久立潺潺石前山正無雲飛去入  
遙碧

武夫詞

武夫何洗洗衣紫襲絳裳借問胡爲爾列校在鷹  
揚依倚將軍勢交結少年場探丸害公吏袖刃宿  
名倡家產既不事顧眄自生光醉歌高樓上袒裼  
大道傍昔爲編戶人秉耒甘哺糠今來從軍樂躍  
馬飮膏粱猶思風塵起無種取侯王

萋兮吟

天涯浮雲生爭蔽日月光窮巷秋風起先摧蘭蕙  
芳萬貨列旗亭恣心注明墻名高毀所集言巧智



難防多謂行大道斯須成太行莫吟妻兮徒使  
君子傷

競渡曲

競渡始於武陵至今舉楫而相和之其音咸和云何在斯招屈之義事見

圖經

湘江五月平堤流邑人相將浮彩舟靈均何年歌

已矣哀挽振楫從此起揚帆擊節雷闐闐亂流齊

進聲轟然蛟龍得雨鬣鬣動蟬竦飲河形影連刺

史臨流舉翠幃揭竿命爵分雄雌先鳴餘勇爭鼓

舞未至銜枚顏色沮百勝本自有前期一飛由來

無定所風俗如狂重此時縱觀雲委江之湄綵旗

夾岸照鮫室羅襪凌波呈水嬉曲終人散空愁暮

招屈亭前水東注

送裴處士應制舉

裴生久在風塵裏氣勁言高少知己注書曾學鄭

司農歷國多於孔夫子往年訪我到連州無窮絕

境終日遊登山雨中試蠟屐入洞夏裏披貂裘白

帝城邊又相遇斂翼三年不飛去忽然結束如秋

蓬自稱對策明光宮人言策中說何事掉頭不答



看飛鴻彤庭翠松迎曉日鳳嘶金榜雲間出中貴  
腰鞭立傾酒宰臣委佩觀搖筆古稱射策如彎弧  
一發偶中何時無由來草澤無忌諱努力滿挽當  
亨衢憶得當年識君處嘉禾驛後聯墻住垂釣釣  
得王餘魚踏芳共登蘇小墓此事今同夢想間相  
看一笑且開顏老大希逢舊隣里為君扶病到方  
山

赴汝州途出浚下畱辭李相公

長安舊遊四十載鄂渚一別十四年後來富貴已

零落歲寒松柏猶依然初逢貞元尚文主雲闕天  
池共翔舞相看却數六朝臣屈指如今無四五夷  
門天下之咽喉昔時往往生瘡疣聯翩舊相來鎮  
壓四海吐納皆通流久別凡經幾多事何由說得  
平生意千思萬慮盡如空一笑一言真可貴世間  
何事最殷勤白頭將相逢故人功成名遂會歸老  
請向東山為近隣

送僧仲剛東遊兼寄呈靈澈上人

釋子道高神氣閒住持曾上清涼山晴空禮拜見



真像金毛玉髻卿雲間西遊長安隸僧籍本寺門  
前曲江碧松間白月照寶書竹下香泉灑瑤席前  
時學得經論成奔馳象馬開禪局高筵談柄一麾  
拂講下聽徒如醉醒舊聞南方多長老次第來入  
荆門道荊州本自重彌天南朝塔廟猶依然宴坐  
東陽枯樹下經行居止故臺邊忽憶遺民社中客  
爲我衡陽駐飛錫講罷同尋相鶴經閒來共蠟登  
山屐一旦揚眉望沃州自言王謝許同遊憑將雜  
擬三十首寄與江南湯慧休

觀碁歌送儂師西遊

長沙男子東林師閒讀藝經工奕碁有時凝思如  
入定暗覆一局誰能知今年訪予來小桂方袍袖  
中貯新勢山城無事愁日長白晝懵懵眠匡牀因  
君臨局看鬪智不覺遲景沉西墻自從山人遇樵  
子直到開元王長史前身後身付餘習百變千化  
無窮已初疑磊落曙天星次見搏擊三秋兵雁行  
布陳衆未曉虎穴得子人皆驚行盡三湘不逢敵  
終日饒人損機格自言臺閣有知音悠然遠起西



遊心商山夏木陰寂寂好處徘徊駐飛錫忽思爭  
道畫平沙獨笑無言心有適藹藹京城在九天貴  
遊豪士足華筵此時一行出人意賭取聲名不要  
錢

送鴻舉師遊江南

禪客學禪兼學文出山初似無心雲從風卷舒來  
何處繚繞巴山不得去山川古寺好閒居讀盡龍  
王宮裏書使君灘頭棟石視白帝城邊尋野蔬忽  
然登高心瞥起又欲浮杯信流水烟波浩淼魚鳥  
情東去三千三百里荆門峽斷無盤渦湘平漢澗  
清光多廬山霧開見瀑布西江月淨聞漁歌鍾陵  
八郡多名守半是西方社中友與師相見便談空  
想得高齋獅子吼

一鄉驛樓伏觀玄宗望女几山詩小臣斐然

有感

開元天子萬事足唯惜當時光景促三鄉陌上望  
仙山歸作霓裳羽衣曲仙心從此在瑤池三清入  
境相追隨天上忽乘白雲去世間空有秋風詞



武昌老人說笛歌

武昌老人七十餘手把庾令相問書自言少小學  
吹笛早事曹王曾賞激往年鎮戍到蘄州楚山蕭  
蕭笛竹秋當時買材恣搜索典却身上烏貂裘古  
苔蒼蒼封老節石上孤生飽風雪商聲五音隨指  
發水中龍應行雲絕曾將黃鶴樓上吹一聲占盡  
秋江月如今老去語尤遲音韻高低耳不知氣力  
已微心尚在時時一曲夢中吹

西山蘭若試茶歌

山僧後簷茶數叢春來映竹抽新茸宛然爲客振  
衣起自傍芳叢摘鷹嘴斯須炒成滿室香便酌砌  
下金沙水驟雨松聲入鼎來白雲滿盃花徘徊悠  
揚噴鼻宿醒散清峭徹骨煩襟開陽崖陰嶺各殊  
氣未若竹下莓苔地炎帝雖嘗未解煎桐君有錄  
那知味新芽連拳半未舒自摘至煎俄頃餘木蘭  
霑露香微似瑤草臨波色不如僧言靈味宜幽寂  
采采翹英爲嘉客不辭緘封寄郡齋甕井銅爐損  
標格何況蒙山顧渚春白泥赤印走風塵欲知花



中唐詩四  
乳清冷味須是眠雲跛石人

平蔡州三首

九衢車馬渾渾流使臣來獻淮西囚四夷聞風失  
七筩天子受賀登高樓妖童擢髮不足數血污城  
西一杯土南風無火楚澤閒夜行不鎖穆陵關策  
勲禮畢天下泰猛士看劍指常山

時常山不庭

蔡州城中衆心死妖星夜落照河水漢家飛將下  
天來馬筆一揮門洞開賊徒奔騰望旗拜有若羣

蟄驚春雷在童面縛登檻車太白天矯垂捷書相  
公從容來鎮撫常侍郊迎負文弩四人歸業閭里  
聞小兒跳跟健兒舞

汝南晨雞喔喔鳴城頭鼓角音和平路傍老人憶  
舊事相與感激皆涕零老人收泣前致辭官軍入  
城人不知忽驚元和十二載喜見天寶承平時

聚蚊謠

沉沉夏夜蘭堂開飛蚊伺暗聲如雷嘈然歛起初  
駭聽殷殷若自南山來喧騰鼓舞喜昏黑昧者不  
分聽者惑露花滴瀝月上天利嘴迎人着不得我



中唐詩四十一  
軀七尺爾如芒我孤爾衆能我傷天生有時不可  
過爲爾設幄潛匡牀清商一來秋日曉羞爾微形  
飼丹鳥

百舌吟

曉星寥落春雲低初聞百舌間關啼花樹滿空迷  
處所搖動繁英墜紅雨笙簧百轉音韻多黃鸝吞  
聲燕無語東方朝日遲遲升迎風弄影如自矜數  
聲不盡又飛去何許相逢綠楊路綿蠻宛轉似娛  
人一心百舌何紛紛舵顏俠少停歌聽墜耳妖姬  
和睡聞可憐光景何時盡誰能低回避鷹隼廷尉  
張羅自不開潘郎挾彈無情損天生羽族爾何微  
舌端萬變乘春暉南方朱鳥一朝見索寞無言蒿  
下飛

飛鳶操

鳶飛杳杳青雲裏鳶鳴蕭蕭風四起旗尾飄揚勢  
漸高箭頭春劃聲相似長空悠悠霽日懸六翮不  
動凝風烟遊鷗朔雁出其下慶雲清景相回旋忽  
聞飢鳥一噪聚瞥下雲中爭腐鼠騰音礪吻相喧



呼仰天大嚇疑鷄雛畏人避犬投高處俛吻無聲  
猶屢顧青鳥自愛玉山禾仙禽徒貴華亭露撲椒  
危巢向暮時毡毳飽腹蹲枯枝遊童挾彈一麾肘  
臆碎羽分人不悲天生衆禽各有類威鳳文章在  
仁義鷹隼儀形螻蟻心雖能戾天何足貴

秋螢引

漢陵秦苑遙蒼蒼陳根腐葉秋螢光夜空寂寥金  
氣淨千門九陌飛悠揚紛綸暉映互明滅金爐星  
噴銜花發露華洗濯清風吹低昂不定招搖垂高  
麗不思照蛛網斜歷璇題舞羅幌曝衣樓上拂香  
帟承露臺前轉仙掌槐市諸生夜讀書北窓分明  
辨魯魚行子東山起征思郎中騎省悲秋氣銅雀  
人歸自入簾長門帳開來照淚誰言向晦常自明  
兒童走步嬌女爭天生有光非自銜遠近低昂暗  
中見撮蚊妖鳥亦夜起翅如車輪而已矣

傷秦妹行 并引

河南房開士前為虞部郎中為余言曰  
我得善箏人于長安懷遠里其後開士  
為赤縣牧容州求國工而誨之藝工而  
天今年開士遺余新詩有悼佳人之句



顧余知所自也惜其有良技獲所從而不可克久乃爲傷詞以貽開士

長安二月花滿城插花女兒彈銀箏南宮仙郎下  
朝晚曲頭駐馬聞新聲馬蹄逶遲心蕩漾高樓已  
遠猶頻望此時意重千金輕烏傳消息紺輪迎芳  
筵銀燭一相見淺笑低鬟初目成蜀絃錚鏦指如  
玉皇帝弟子韋家曲青牛文梓赤金簧玫瑰寶柱  
秋雁行斂蛾收袂凝清光抽絃授調怨且長八鸞  
鏘鏘渡銀漢九雛威鳳鳴朝陽曲於韻盡意不足  
情思悄絕愁空堂從郎鎮南別城闕樓船里曲

湘月馮夷躡躑舞綠波鮫人出聽停綃梭北池含  
煙瑤草短萬松亭下清風滿秦聲一曲此時聞嶺  
泉嗚咽腸堪斷來自長陵小市東薜華零落瘴江  
風侍兒掩泣收銀甲鸚鵡不言愁玉籠博山爐中  
香自滅鏡奩塵暗同心結從此東山非昔遊長嗟  
人與絃俱絕

採菱行

白馬湖平秋日光紫菱如錦綵鴛翔蕩舟遊女滿  
中央採菱不顧馬上郎爭多逐勝紛相向時轉蘭



橈破輕浪長鬢弱袂動參差釵影釧文浮蕩漾咲  
語哇哇顧晚暉蓼花綠岸扣舷歸歸來共到市橋  
步野蔓繫船萍滿衣家家竹樓臨廣陌下有連檣  
多估客攜觴薦芰夜經過醉踏大隄相應歌屈平  
祠下沅江水月照寒波白煙起一曲南音此地聞  
長安北望三千里

春有情篇

遊春侶春情何處尋花含欲語意草有鬪生  
頻催發色雲輕不作陰縱令無月夜芳興暗

中深

七夕

河鼓靈旗動嫦娥破鏡斜滿空天是幕徐轉斗爲  
車機罷猶安石橋成不礙槎誰知觀津女竟夕望  
雲涯

二

天衢啓雲帳神馭上星橋初喜渡河漢頻驚轉斗  
杓餘霞張錦幙輕電閃紅銷非是人間世還悲後  
會遙



邊風行

邊馬蕭蕭鳴邊風滿積生暗添弓箭力斗上鼓聲  
聲襲月寒暈起吹雲陰陣成將軍占氣候出號夜  
翻營

送工部蕭侍郎刑部李郎中並以本官兼中

丞分命克京西京北京糧使

霜簡映金章相輝同舍郎天威巡虎落星使出鴛  
行樽俎成全策京抵閱見糧歸來口塵滅畫地奏  
明光

送太常蕭博士棄官歸養赴東都

仲兄為師官  
並分司洛邑

相為少師

兄弟盡鴛鸞歸心切問安貪夢五綵服遂掛兩梁  
冠侍膳曾調鼎循咳更握蘭從今別君後長向德  
星看

歲杪將發楚州呈樂天

楚澤雪初霽楚城春欲歸清懷變寒色遠樹含清  
暉原野已多思風霜潛滅威與君同旅雁北向刷  
毛衣

中唐詩 劉禹錫



發華州留別張侍御

束簡下延閣買符驅短轅同人惜分袂結念醉芳樽  
切切別絃急蕭蕭征騎煩臨歧無限意相視却忘言

奉送家兄歸王屋山隱居二首

陽洛天壇上依稀似玉京夜分先見日天淨遠聞笙雲路將雞犬丹臺有姓名古來成道者兄弟亦同行

春來山事好歸去亦逍遙水淨苔莎色露香芝朮

苗登臺吸瑞景飛步翼神廳願薦墳篋曲相將學

玉簫

送王師曾協律赴湖南使幕

翩翩馬上郎驅傳渡三湘橘樹沙洲暗松醪酒肆香  
素風傳竹帛高價聘琳琅楚水多蘭芷何人事  
擷芳

送趙中丞自司金外郎轉官參山南令狐僕

射幕府

趙氏弟兄皆僕射門客

綠樹滿褒斜西南蜀路賒驛門臨白草縣道入黃



花相府開油幕門生逐絳紗行看布政後還從到

京華

送盧處士歸嵩山別業

世業嵩山隱雲深無四隣藥爐燒姪女酒甕貯賢

人曉日華陰霧秋風函谷塵送君從此去鈴閣少

談賓

洛中送崔司業使君扶侍赴唐州

綠野方城路殘春柳絮飛風鳴驪驪馬日照老萊

衣洛苑魚書至江村雁戶歸相思望淮水雙鯉不

應稀

送李友路秀才赴舉

誰憐相門子不語望秋山生長綺紈內辛勤筆硯

間榮親在名字好學棄官班佇俟明年榜高堂開

笑顏

送從弟郎中赴浙西

銜命出尚書新恩換使車漢庭無右者梁苑重歸

歎又食建業水曾依京口居共經何限事賓主兩

如初



送元曉上人歸稽亭

重疊稽亭路山僧歸獨行遠峰斜日影本寺舊鐘聲徒侶問新事烟雲愴別情應誇乞食處踏遍鳳凰城

贈別君素上人

窮巷唯秋草高僧獨扣門相歡如舊識問法到無言水為風生浪珠非塵可昏去來皆是道此別不銷魂

送深法師遊南嶽

師在白雲鄉名登善法堂十方傳句偈八部會壇場飛錫無定所寶書留舊房唯應銜草雁相送至衡陽

贈別約師

師逢吳興守相伴住禪扃春雨同栽樹秋燈對講經廬山曾結社桂水遠揚舲話舊還惆悵天南望柳星

秋日過鴻舉法師寺院便送歸江陵

看畫長廊遍尋僧一徑幽小池兼鶴淨古木帶蟬



秋客至茶烟起禽歸講席收浮杯明日去相望水悠悠

贈眼醫婆羅門僧

三秋傷望遠終日哭途窮兩目今先暗中年似老翁看朱漸成碧羞日不禁風師有金篦術如何爲發蒙

送如智法師遊辰州兼寄許評事

前日過蕭寺看師上講筵都人禮白足施者散金錢方便無非教經行不廢禪還知習居士發論待

彌天

吳興春日退朝

紫陌夜來雨南山朝下看戟枝迎日動閣影助松寒瑞氣轉綃縠遊光泛波瀾御溝新柳色處處拂

歸鞍

入蜀先主廟

漢末謠黃牛白腹五銖當復

天地英雄氣千秋尚凜然勢分三足鼎業復五銖錢得相能開國生兒不象賢淒涼蜀故妓來舞魏

宮前

劉禹錫



經東都安國觀九仙公主舊院作

仙院御溝東今來事不同門開青草日樓閉綠楊  
風將犬昇天路披雲赴月宮武皇曾駐驛親問主  
人翁

觀八陣圖

軒皇傳上略蜀相運神機水落龍蛇出沙平鵝鶴  
飛波濤無動勢鱗介避餘威會有知兵者臨岐指  
是非

八月十五夜觀月

天將今夜月一遍洗寰瀛暑退九霄淨秋澄萬景  
清星辰讓光彩風露發晶英能變人間世儵然是

玉京

大和戊申歲大有年詔賜百寮出城觀秋稼  
謹書盛事以俟采詩者

長安銅雀鳴秋稼與雲平玉燭調寒暑金風報順  
成川原呈上瑞恩澤賜閒行欲反重城掩猶聞歌  
吹聲

金陵懷古



潮滿冶城渚日斜征口亭蔡洲新草綠幕府舊烟  
青興廢由人事山川空地形後庭花一曲幽怨不  
堪聽

晝居池上亭獨吟

日午樹陰正獨吟池上亭靜看蜂教誨閒想鶴儀  
形法酒調神氣清琴入性靈浩然機已息几杖復  
何銘

分司東都蒙襄陽李司徒相公書問因以奉

寄

早忝金馬客晚為商洛翁知名四海內多病與生  
中舉世往還盡何人心事同幾時登峴首恃舊揖  
三公

門下相公榮加冊命天下同歡忝沐眷私輒

敢申賀

冊命出宸衷官儀自古崇特膺平土拜光贊格天  
功再佩扶陽印常乘鮑氏驄七賢遺老在猶得詠  
清風

病中一上禪客見問因以謝之

劉禹錫



勞動諸賢者同來問病夫添爐搗雞舌灑水淨龍  
鬚身是芭蕉喻行須叩竹扶醫王有妙藥能乞一

丸無

卅命秋江晚泊

長泊起秋色空江涵霽暉暮霞千萬狀賓鴻次第

飛古戍見旗迥荒村聞犬稀軻峨扁上客勸酒夜

相依

中舉步出武陵東亭臨江寓望

鷹至感風候霜餘變林麓孤颿帶日來寒江轉沙

曲戍遙旗影動津晚櫓聲促月上彩霞收漁歌遠

相續

秋日送客至潛水驛

候吏立沙際田家連竹溪楓林社日鼓茅屋午時

雞鵲噪晚禾地蝶飛秋草畦驛樓宮樹近疲馬再

三嘶

湖州崔郎中曾嘗寄三癖詩自言癖在詩與

琴酒其詞逸而高今詠不足昔柳吳興亭

臯隴首之句王融書之白團扇故為四韻



以謝之

視事畫屏中自稱三癖翁管絃泛春渚旌旆拂晴  
虹酒對青山月琴韻白蘋風會書團扇上知君文  
字工

為郎分司寄上都同舍

籍通金馬門家在銅駝陌省闈晝無塵宮樹遠凝  
碧荒街淺深轍古渡潺湲石唯有嵩丘雲堪誇早

朝客

登陝州城北樓卻寄京都親友

獨上百尺樓日窮思亦愁初日徧露草野田光悠  
悠塵息長道白林清宿烟收回首雲深處永懷帝  
鄉游

途中早發

中庭望啓明促促事晨征寒樹鳥初動霜橋人未  
行水流白煙起日上彩霞生隱士應高枕無人問  
姓名

陝州河亭陪韋伍大夫雪後眺望因以畱別

與韋有布衣之舊一別二紀經遷貶而歸



雪霽太陽津城池表裏春河流添馬頰原色動龍  
鱗萬里獨歸客一杯逢故人登高向西望關路正  
飛塵

城東閒遊

借問池臺主多居要路津千金買絕境永日屬閒  
人竹徑縈紆入花林委曲巡斜陽衆客散空鎖一  
園春

罷郡歸洛陽閒居

十年江海守旦夕有歸心及此西還日空成東武  
吟花間數盞酒月下一張琴聞說功名事依前惜  
寸陰

晚泊牛渚

蘆葦晚風起秋江鱗甲生殘霞忽變色遊雁有餘  
聲戍鼓音響絕漁家燈火明無人能詠史獨自月  
中行

宿誠禪師山房題贈二首

宴坐白雲端清江直下看來人望金刹講席繞香  
壇虎嘯夜林動鼉鳴秋澗寒衆音徒起滅心在淨



中觀  
不出孤峰上人間四十秋視身如傳舍閱世甚東  
流法為因緣立心從次第修中宵問真偈有住是  
吾憂

贈澧州高大夫司馬霞寓人

前年收錦城馬蹋血泥行千里追戎首三軍許勇  
名殘兵疑鶴唳空壘辨烏聲一誤雲中級南遊湘  
水清

聞董評事疾因以書贈 董生奉  
內典

繁露傳家學青蓮譯梵書火風垂四大文字廢三  
餘欹枕晝眠靜折巾 武皇思視草誰許茂  
陵居

詠庭梅寄人

蚤花常犯寒繁實常苦酸何事上春日坐令芳意  
闌天桃定相笑遊妓肯回看君問調金鼎方知正  
味難

德宗神武孝文皇帝挽歌二首

出震清多難乘時播大鈞操絃調六氣揮翰動三



辰運偶升天日哀深率土人  
瑤池無轍迹誰見屬  
車塵  
鳳翼擁銘旌威遲異吉行  
漢儀陳祕器楚挽咽繁  
聲駐紵辭清廟凝笳背直  
城唯應晉內傳知是向  
蓬瀛

敬宗睿武昭愍孝皇帝挽歌三首

寶曆方無限仙期忽有涯  
事親崇漢禮傳聖法殷  
家晚出芙蓉闕春歸棠棣  
華玉輪今日動不是畫  
雲車

任賢勞夢寐登位富春秋  
欲遂東人行寧虞祀國  
憂長楊收羽騎太液泊龍  
舟惟有衣冠在年年愴  
月遊

講學金華殿親畊鈎盾田  
侍臣容諫獵方士信求  
仙虹影俄侵日龍髯不上  
天空餘水銀海長照夜  
燈前

文宗元聖昭獻孝皇帝挽歌三首

繼體三才理承顏九族親  
禹功留海內殷曆付天  
倫調露曲長在秋風詞尚  
新本支方百代先讓棣



華春

月落宮車動風淒儀仗間路唯瞻鳳娶人尚想龍  
顏御宇方無事乘雲遂不還聖情悲望處沉日下

西山

享國十五載升天千萬年龍鑣仙路遠騎吹禮容  
全日下初陵外人悲舊劍前周南有遺老掩淚望

秦川

故相國燕國公于司空挽歌二首

彫弓封舊國黑綃繼前功十年鎮南雍九命作司

空池臺樂事盡簫鼓葬儀雄一代英豪氣曉散白

雲風

陰山貴公子來葬五陵西前馬悲無主猶帶朔風

嘶漢水青山郭襄陽白銅鞮至今有遺愛日暮人

悽悽

傷丘中丞

河南丘絳有詞藻與余同升進士  
科從仕鄴下不幸遇害故為傷詞

鄴下殺才子蒼茫冤氣凝枯楊映漳水野火上西  
陵馬鬣今無所龍門昔共登何人為吊客唯是有



青蠅

湖南觀察使故相國袁公挽歌三首

五驅龍虎節一入鳳凰池  
令尹自無喜羊公人不  
疑天歸京兆日葉下洞庭時  
湘水秋風至淒涼吹  
素旗

丹旒發江臯人悲雁亦號  
湘南罷亥市漢上改詞  
曹表墓雙碑立尊名一字褒  
常聞平楚獄為報里  
門高

返葬三千里荆衡達帝畿  
逢人多故吏拜奠盡沾  
衣地得青鳥相賓驚白鶴  
飛羊公碑尚在今日亦  
同歸

哭王僕射相公

子輿一日病勝公千載歸  
門庭颯已變風物慘無  
輝羣吏謁新府舊賓沾  
素衣歌堂忽暮哭賀雀盡  
驚飛

傷韋賓客

自工部尚書除

韋公八十餘位至六尚書  
五福唯無富一生誰得  
知桂枝板最久蘭省出仍  
初海內時流盡何人動



素車

再經故元九相公宅池上作

故池春又至一到一傷情雁鴛羣猶下蛙螟衣已

生竹叢身後長臺勢雨來傾六尺孤安在人間未

有名

送工部張侍郎入蕃吊祭

時張兼修史

月窟賓諸夏雲官降九天飾終隣好重錫命禮容

全水咽猶登隴沙明稍極邊路因乘驛近志為飲

冰堅毳帳差池見烏旗搖曳前歸來賜金石榮耀

自編年

早秋送臺院楊侍郎歸朝

兄弟四人遍歷諸科二人同省

仙署棣華春當時已絕倫今朝丹闕下更入白眉

人重振高陽族分居要路津一門科第足五府辟

書頻驚鳥得秋氣法星懸火旻聖朝寰海靜所至

不埋輪

送陸侍御歸淮南使府五韻

用年一字

江左重詩篇陸生名久傳鳳城來已熟羊酪不嫌

羶歸路芙蓉府離堂玳瑁筵泰山呈臘雪隋柳布



新年曾忝揚州薦因君達短牋 時段丞相鎮揚州嘗辱表薦

送令狐相公自僕射出鎮南梁

夏木正陰成戎裝出帝京沾襟辭闕淚回首別鄉情雲樹褒中路風煙漢上城前旌轉谷去後騎踏橋聲又領鴛行重無嫌虎綬輕終當提一筆再入

副蒼生

奉送裴司徒令公自東都畱守再命太原 本封

晉國公兩任相去十六年

星使出關東兵符賜上公山河歸舊國籥管換離

宮行色旌旗動軍聲鼓角雄愛棠餘故吏騎竹見

新童漢壘三秋靜胡沙萬里空其如天下望旦夕

詠清風

海陽湖別浩初師

近郭有殊境獨遊常鮮歡逢君駐緇錫觀白稱林

巒湖滿景方霽野香春未闌愛泉移席近聞石輟

綦看風止松猶韻花繁露未乾橋形出樹曲巖影

落池寒別路千峰外詩情暮雨端他年買山處似

此則隳官

中唐詩 劉禹錫



許給事見示哭工部劉尚書詩因命同作

漢室賢王後

從叔望  
出河間

孔門高弟人濟時成國器樂

道任天真特達圭無玷堅貞竹有筠總戎寬得衆  
市義貴能貧護塞無南牧馳心拱北辰乞身來闕  
下賜告臥漳濱榮耀初題劍清羸已拖紳宮星徒  
列位隙日不回輪自昔追飛侶今爲侍從臣素絃  
哀已絕青簡歎猶新未遂揮金樂空悲輒瑟晨淒  
涼竹林下無復見清塵

奉和中書崔舍人八月十五日夜翫月二十

韻

暮景中秋爽陰靈旣望圓浮精離碧海分照接虞  
淵迥見孤輪出高從倚蓋旋二儀含皎澈萬象共  
澄鮮整御當西陸舒光麗上玄從星變風雨順日  
助陶甄遠近同時望晶熒此夜偏運行調玉燭潔  
白應金天曲沼疑瑤鏡通衢若象筵逢人盡冰雪  
遇境卽神仙引素吞銀漢凝清洗綠烟臯禽驚露  
下鄰杵思風前水是還珠浦山成種玉田劍沉三  
尺影燈罷九枝燃象外形無跡寰中影有遷稍當



雲闕正未映斗城懸靜對揮宸翰閒臨縹彩牋境  
同牛渚上宿在鳳池邊典掩尋安道詞勝命仲宣

從今紙貴後不復詠陳篇

奉和淮南李相公暮秋卽事寄成都武相公

八柱共承天東西別隱然遠夷爭慕化真相故臨

邊並進夔龍位仍齊龜鶴年同心舟已濟造膝壁

常聯對領專征寄遙持造物權斗牛添氣色井絡

盡氛烟獻可通三略分甘出萬錢漢南趨節制趙

北賜山川玉帳觀渝舞虹旌獵楚田步嫌雙綬重

夢入九城偏秋雨離情動新詩樂府傳聆音還竊

拈不覺撫么弦

元和癸巳歲仲秋詔發江陵偏師問罪蠻徼

後命宣慰釋兵歸降凱旋之辰率爾成詠

寄荆南嚴司空

蠻水阻朝宗兵符下渚宮前籌得上策無戰已成

功漢使星飛入夷心草偃同歡謠開竹棧拜舞戢

桑弓就日知水釋投人念鳥窮網羅三面解章奏

九門通卉服聯操袂雕題盡鞠躬降幡秋練白驛



騎畫塵紅火號休傳警機橋罷亘空登山不見口

振旆自生風江遠烟波靜軍回氣色雄佇看聞喜

後金石賜元戎次公草野同知蕭關外我

登木武陵書懷五十韻宮前善舞玉飛

西漢開支郡南朝號戚藩四封當列宿百雉俯清

沅高岸朝霞合驚湍急箭奔積陰春暗度將霽霧

先昏俗尚東皇祀謠傳義帝寃桃花迷隱跡棟葉

慰忠魂戶算資漁獵鄉豪恃子孫照山畝火動踏

月俚歌喧擁戢舟為市連薨竹覆軒披沙金粟見

拾羽翠翹翻茗折滄溪秀蘋生在杜渚喧禽鳴格磔

起魚戲險喁繁按本草經曰鷓鴣聲如鉤輅格磔者是也沈約臺榭故

李衡墟落存隱侯臺木奴州並在湘靈悲鼓瑟泉客泣酬恩

露變蒹葭浦星懸橘柚村虎咆空野震鼉作滿川

渾隣里皆遷客兒童習左言炎天無冽井霜月見

芳蓀清白家傳遠詩書志所敦列科叨甲乙從宦

出丘樊結友心多契馳聲氣尚吞士安曾重賦元

禮許登門草檄嫖姚幕巡兵戊巳屯築臺先自隗

送客獨畱髡遂結王畿綬來觀衢室尊鳶飛入鷹

中唐詩 劉禹錫



隼魚目儷璵璠曉燭羅馳道朝陽闕帝閣皇正會  
 夷夏月朔盛旗旛獨立當瑤闕傳訶步紫垣按章  
 清犴獄視祭潔蘋蘩御曆昌期遠傳家寶祚蕃繇  
 文光夏啓神教畏軒轅內禪因天性雄圖授化元  
 繼明懸日月出震統乾坤大孝三朝備洪恩九族  
 惇百川宗渤解五嶽輔崑崙何幸逢休運微班識  
 至尊校緡資筦榷復土奉山園時以本官判度支  
 鹽鐵等兼崇陵使  
 判官一失貴人意徒聞大學論直廬辭錦帳遠守愧  
 朱幡巢幕方猶燕槍榆尚笑鯤遭廻過荆楚流洛

早秋集賢院卽事

金數已三伏火星正西流樹含秋露曉閣倚碧天  
 秋灰瑄應新律銅壺添夜籌商飈從朔塞爽氣入  
 神州蕙草香書殿槐花點御溝山明真色見水靜  
 濁煙收早歲忝華省再來成白頭幸依郡王府末  
 路向瀛州

奉和吏部楊尚書太常李卿二相公策免後

卽事述懷贈答十韻

文雅關西族衣冠趙北都有聲真漢相無類勝隋



珠當軸龍爲友臨池鳳不孤九天開內殿百辟看  
晨趨誠滿澄欹器成功別大鑪餘芳在公論積慶  
是神扶步武離台席徊翔集帝梧銓材秉秦鏡典  
樂去齊竽瀟灑風塵外逢迎詩酒徒唯應待華誥  
更食萬錢厨不華谷再來如白龍幸分珠王氣未

晚歲登武陵城顧望水陸悵然有作貝水詩  
星象承鳥翼蠻陬想犬牙俚人祠竹節仙洞閑桃  
花城基歷漢魏江原自寶巴華表廖立地菜地黃  
瓊家霜輕菊秀晚石淺水紋斜樵音繞故壘汲路

明寒沙清風稍改葉盧橘如含葩野橋過驛騎叢  
祠發迥笳跳鱗避舉網倦鳥寄行查路塵高出樹  
山火遠連霞夕曛轉赤岸浮靄起蒼葭軋軋渡水  
槩連連赴林鴉叫闌道未遠賜環期日賒孤臣本  
危涕喬木在天涯

罷郡歸洛陽寄友人

遠謫年猶少初歸鬢已衰閒門故吏去靜室老僧  
期不見蜘蛛集頻爲佞僂欺穎微囊未出寒甚谷  
難吹濩落唯心在平生有已知商歌夜深後聽者



竟為誰

經伏波神祠

蒙蒙篁竹下有路上壺頭漢壘磨颯鬪蠻溪霧雨  
愁懷人敬遺像闕世指東流自負霸王略安知恩  
澤侯鄉園辭石柱筋力盡炎洲一以功名累翻思  
馬少游

送春詞

昨來樓上迎春處今日登樓又送歸蘭蕊殘妝含  
露泣柳條長袂向風揮佳人對鏡容顏改楚客臨  
江心事違萬古至今同此恨無如一醉盡忘機

送李尚書鎮滑州

自浙西觀察徵拜兵部侍郎月餘有此拜

南徐報政入文昌東郡須才別建章視草名高同  
蜀客擁旄年少勝周郎黃河一曲當城下緹騎千  
重照路傍自古相門還出相如今人望在巖廊

送渾大夫赴豐州

鳳銜新詔降恩華又見旌旗出漢家故吏來辭辛  
屬國精兵願逐李輕車氊裘君長迎風馭錦帶首  
豪踏雪衙其柰明年好春日無人喚看牡丹花



送李庚先輩赴選

一家何啻十朱輪諸父雙飛秉大鈞曾脫素衣參  
幕客却爲精舍讀書人離筵洛水侵杯色征路函  
關向晚塵今日山翁舊賓主知君不負帝城春

送源中丞充新羅冊立使

侍中之孫

相門才子稱華簪持節東行捧德音身帶霜威辭  
鳳闕口傳天語到雞林煙開鰲背千尋碧日浴鯨  
波萬頃金想見扶桑受恩後一時西拜盡傾心

送王司馬之陝州

自太常丞授

暫輟清齋出太常空攜詩卷赴甘棠府公既有朝  
中舊司馬應容酒後狂案牘來時唯署字風烟入  
輿使成章兩京大道多遊客每遇詞人戰一場

洛中送處厚入關便遊蜀謁韋令公

洛陽秋日正淒淒君去西秦更向西舊學三冬今  
轉富曾傷六翮養初齊王城曉入窺丹鳳蜀路晴  
來見碧雞早識臥龍應有分不妨從此躡丹梯

送周使君罷渝州歸郢州別墅

君思郢上吟歸去故自渝南擲郡章野戍岸邊留



畫舸綠蘿陰下到山莊池荷雨後衣香起庭草春  
深綬帶長只恐鳴騶催上道不容待得晚菘嘗

送浙江李僕射相公赴鎮

建節東行是舊游歡聲喜氣滿吳州郡人重得黃  
丞相童子爭迎郭細侯詔下初辭溫室樹夢中先  
到景陽樓自憐不識平津閣遙望旌旗汝水頭

重送浙西李相公頃廉問江南已經七載後

歷滑臺劍南兩鎮遂入相今復領舊地新

加旌旄

江北萬人看玉節江南千騎引金鏡鳳從池上遊

滄海鶴到遼東識舊巢城下清波合百谷窓中遠

岫列三茅碧雞白馬回翔久却憶朱方是樂郊

送前進士蔡京赴學究科

耳聞戰鼓帶經鋤振發聲名自里閭已是世間能  
賦客更攻窓下絕編書朱門達者誰能識絳帳書  
生盡不如幸遇天官舊丞相知君無翼上空虛

送唐舍人出鎮閩中

暫辭鴛鴦出蓬瀛忽擁貔貅鎮粵城閩嶺夏雲迎



皂蓋建溪秋樹映紅旌山川遠地由來好富貴當年別有情了却人間婚嫁事復歸朝闕作公卿

送李中丞赴楚州

緹騎朱旗入楚城士林皆賀振家聲兒童但喜迎賢守故吏猶應記小名萬頃水田連郭秀四時烟月映淮清憶君初得崑山玉同向揚州攜手行

奉送李戶部侍郎自河南尹再除本官歸闕

昔年內署振雄詞今日東都結去思宮女猶傳洞簫賦國人先詠衮衣詩華星却復文昌位別鶴重歸太乙池想到金闈待通籍一時驚喜見風儀

送蘄州李郎中赴任

楚門蘄水路非賒東望雲山日夕佳薤葉照人呈夏簟松花滿盃試新茶樓中飲興因明月江上詩情爲晚霞北地交親長引領早將玄鬢到京華

送國子令狐博士赴興元覲省

相門才子高陽族學省清資五品官諫院過時榮棣萼謝庭歸去踏芝蘭山頭花帶烟霞晚棧底江涵雪水寒伯仲到家人盡賀柳營蓮府遞相歡



送李二十九兄員外赴邠寧使幕

家襲韋平身業文素風清白至今貧南宮通籍新  
郎吏西族從戎舊主人城外草黃秋有雪烽頭烟  
靜口無塵鼎門為別霜天曉賸把離觴三五巡

送分司陳郎中祗召直史館重修三聖實錄

蟬鳴官樹引行車言自成周赴玉除遠取南朝貴  
公子重修東觀帝王書常時載筆窺金匱暇日登  
樓到石渠若問舊人劉子政如今頭白在商於

送慧則法師赴都因呈廣宣上人

昨日東林看講時都人象馬蹋琉璃雪山童子應  
前世金粟如來是本師一錫言歸九城路三衣曾  
拂萬年枝休公久別如相問楚客逢秋心更悲

送義舟師却還黔南

黔江秋水浸雲霓獨泛慈航路不迷猿狖窺齋林  
葉動蛟龍聞呪浪花低如蓮半偈心常悟問菊新  
詩手自攜常記摩園似靈鷲却將山屐上丹梯

送景玄師東歸

東林寺裏一沙彌心愛當時才子詩山下偶隨流



水出秋來却赴白雲期  
灘頭躡屐尋沙菜路上停  
舟讀古碑想到舊房拋錫杖  
小松應有過簷枝

廣宣上人寄在蜀與韋令公唱和詩卷因以

令公手扎答詩示之

碧雲佳句久傳芳  
曾向成都住草堂  
振錫常過長者宅  
披衣猶帶令公香  
一時風景添詩思  
八部人天入道場  
若許相期同結社  
吾家本自有柴桑

送僧元嵩南遊

寶書翻譯學初成  
振錫如飛白足輕  
彭澤因家凡幾世  
靈山預會是前生  
傳燈已悟無為理  
濡露猶懷罔極情  
從此多逢大居士  
何人不願解珠璣

贈日本僧智藏

浮杯萬里過滄溟  
遍禮名山適性靈  
深夜降龍潭水黑  
新秋放鶴野田青  
身無彼我那懷土  
心會真如不讀經  
為問中華學道者  
幾人雄猛得寧馨

送元簡上人適越

孤雲出岫本無依  
勝境名山卽是歸  
久向吳門遊好寺  
還思越水洗塵機  
浙江濤驚獅子吼  
稽嶺峰



疑靈鷲飛更入天台石橋去垂珠璀璨拂三衣

送宗密上人歸南山草堂寺因詣河南尹白

侍郎上人

宿習修來得慧根多聞第一却忘言自從七祖傳  
心印不要三乘入便門東泛滄江尋古跡西歸紫

閣出塵喧河南白尹大檀越好把真經相對翻

西塞山懷古

西晉樓船下益州金陵王氣漠然收千尋鐵鎖沉

江底一片降幡出石頭人世幾回傷往事山形依

舊枕寒流今逢四海為家日故壘蕭蕭蘆荻秋

陽山廟賽神

梁松南征至此遂為其神在朗州

漢家都尉舊征蠻血食如今配此山曲蓋幽深蒼

檜下洞簫愁絕翠屏間荆巫脉脉傳神語野老婆

婆啓醉顏日落風生廟門外幾人連蹋竹歌還

漢壽城春望

古荊州刺史治亭下有子胥廟兼楚王故墳

漢壽城邊野草春荒祠古墓對荆榛田中牧豎燒

芻狗陌上行人看石麟華表半空經霹靂碑文纔

見滿埃塵不知何日東瀛變此地還成要路津



荊州道懷古

南國山川舊帝畿  
宋臺梁館尚依稀  
馬嘶古樹行人歇  
麥秀空城野雉飛  
風吹落葉填宮井  
火入荒陵化寶衣  
徒使詞臣庾  
開府咸陽終日苦思歸

朗州竇員外見示與澧州元郎中郡齋贈答

長句二篇因以繼和

鴛鴦差池出建章  
綵旗朱戶蔚相望  
新恩共理犬牙地  
昨日同含雞舌香  
白芷江邊分驛路  
山桃蹊外接甘棠  
應憐一罷金閨籍  
枉在渚逢春十度傷

早春對雪奉寄澧州元郎中

新賜魚書墨未乾  
賢人暫屈遠人安  
朝驅旌旆行時令  
夜見星辰憶舊官  
梅蕊覆堦鈴閣暖  
雪峰當戶戟枝寒  
寧知楚客思公子  
北望長吟澧有蘭

竇朗州見示與澧州元郎中早秋贈答命同

作

鄰境諸侯同舍郎  
芷江蘭浦恨無梁  
秋風門外旌旗動  
曉露庭中橘柚香  
玉簫微涼宜白晝  
金笳入暮應清商  
騷人昨夜聞啼鳩  
不歎流年惜衆芳



松磁渡望峽中

渡頭輕雨灑寒梅雲際溶溶雪水來夢渚草長迷  
楚望夷陵土黑有秦灰巴人淚應猿聲落蜀客船  
從鳥道回十二碧峰何處所永安宮外是荒臺

衢州徐員外使君遺以縞紵兼竹書箱因賦

一篇用答佳贖 按此郡本自婺州拆置徐州自台州遷

爛柯山下舊仙郎列宿來添婺女光遠放歌聲分  
白紵知傳家學與青箱水朝滄海何時去蘭在幽  
林亦自芳聞說天台有遺愛人將琪樹比甘棠

唐秀才贈端州紫石硯以詩答之

端州石硯人間重贈我因知正草玄闕里廟堂空  
舊物開方竈下豈天然玉蜍吐水霞光靜綵翰搖  
風絳錦鮮此日傭工記名姓因君數致墨池前

覽董評事思歸之什因以詩贈

幾年油幕佐征東却泛滄浪狎釣童歆枕醉眠成  
戲蝶抱琴閒望送歸鴻文儒自襲膠西相倚杖能  
齊塞上翁更說扁舟動鄉思青菰已熟奈秋風

雙會謝寺雙檜

劉禹錫



雙檜蒼然古貌奇  
含烟吐霧鬱參差  
晚依禪客當  
金殿初對將軍映  
畫旗龍象界中成  
寶蓋鴛鴦瓦  
上出高枝長明燈  
是前朝焰曾照青  
青年少時  
風獵紅旗入壽春  
滿城歌舞向朱輪  
八公山下清  
淮水千騎塵中白  
面人桂嶺雨餘多  
鶴迹茗園晴  
望似龍鱗聖朝方  
用敢言者次第應  
須舊諫臣

洛中寺北樓見賀監草書題詩

高樓賀監昔曾登  
壁上筆蹤龍虎騰  
中國書流尚

皇象北朝文士重  
徐陵偶因特見空  
驚目恨不同  
時便伏膺唯恐塵  
埃轉磨滅再三珍  
重囑山僧

聞韓賓擢第歸覲以詩美之兼賀韓十五曹

長時韓牧永州

零陵香草滿郊垆  
丹穴雛飛入翠屏  
孝若歸來成  
畫讚孟陽別後有  
山銘蘭陔舊地多  
纔結桂樹新  
枝色更青為報儒  
林丈人道如今從  
此鬢星星  
宣上人遠寄和禮  
部王侍郎放榜後  
詩因以

繼和



禮闈新榜動長安九陌人人走馬看一日聲名遍  
天下滿城桃李屬春官自吟白雪詮詞賦指示青  
雲借羽翰借問至公誰印可支郎大眼定中觀

贈東嶽張鍊師

東嶽真人張鍊師高情雅淡世間稀堪為烈女書  
青簡久事元君住翠微金縷機中拋錦字玉清壇  
上着霓衣雲衢不要吹簫伴只擬乘鸞獨自飛

祕書崔少監見示墜馬長句因而和之

麟臺少諫舊仙郎洛水橋邊墜馬傷塵污腰間青

襪綬風飄掌上紫遊韁上車著作應來問折臂三  
公定送方猶賴德全如醉者不妨吟詠入篇章

寄楊虢州與之舊姻

避地江湖知幾春今來本郡擁朱輪阮郎無復里  
中舊楊僕却為關外人各繫一官難命駕每追前  
好易沾巾玉城山裏多靈藥擺落功名且養神  
秋日題竇員外崇德里新居

長愛街西風景閒到君居處暫開顏清光門外  
渠水秋色墻頭數點山疎種碧松通月朗多栽紅



藥待春還莫言堆案無餘地認得詩人在此間  
身蒙恩轉儀曹郎依前充集賢學士舉韓湖州

自代因寄北言游里懷故

翔鸞闕下謝恩初通籍由來在石渠暫入南宮判  
祥瑞還歸內殿閱圖書故人猶在三江外同病凡  
經二紀餘今日薦君嗟久滯不惟文體似相如

途次華州陪錢大夫登北城樓春望因覩李崔

公室公室令孤三相國唱和之什翰林舊侶繼踵華

城山水清高鸞翔集皆忝宿眷遂題此詩

城樓四望出風塵見盡關西渭北春百二山河雄

上國一雙旌旆委名臣壁中今日題詩處天上同

時草詔人莫怪老郎呈濫吹官途離別舊情親

始聞秋風

昔看黃菊與君別今聽玄蟬我却回五夜颼颼枕

前覺一年顏狀鏡中來馬思邊草拳毛動鵬盼青

雲睡眼開天地肅清堪四望為君扶病上高臺

洛下初冬拜表有懷上京故人

鳳樓南面控三條拜表郎官早渡橋清洛曉光鋪



碧簾上陽霜葉剪紅綃省門簪組初成列雲路鴛  
鸞想退朝寄謝慙懃九天侶槍榆水擊各逍遙

尉遲郎中見示自南遷率復却至洛城東舊

居之作因以和之

曾遭飛語十年謫新受恩光萬里還朝服不妨遊

洛浦郊園依舊看嵩山竹舍天籟清商樂水遶庭

臺碧玉環留作功成退身地如今只是暫時閒

洛中謝福建陳判官見贈

潦倒聲名擁煙材一生多故苦遭回南宮舊籍遙

相管東洛間門晝未開靜對道流論藥石偶逢詞

客與瓊瑰恠君近日文鋒利新向延平看劍來

和蘇十郎中謝病閒居時嚴常侍蕭給事同

過訪歎初有二毛之作

清羸隱几望雲空左掖鴛鸞到室中一卷素書消

永日數莖斑鬢對秋風菱花照後容雖改蒼草占

來命已通莫恠人人驚早白緣君合是黑頭翁

酬淮南廖參謀秋夕見過之作

揚州從事夜相尋無限新詩月下吟初服已驚玄



髮長高情猶向白雲深語餘時舉一杯酒坐久方  
聞數處砧不逐繁華訪聞散知君擺落俗人心

題王郎中宣義里新居

愛君新買街西宅客到如遊鄠杜間雨後退朝貪  
種樹申時出省趁看山門前巷陌三條近墻內池  
亭萬境閒見擬移居作隣里不論時日請開關

酬朗州崔員外與任十四兄侍御同過鄙人

舊居見懷之什時守吳郡

昔日居隣招屈亭楓林橘樹鷓鴣聲一辭御苑青

門去十見蠻江白芷生自此曾沾宣室召如今又  
守闔閩城何人萬里能相憶同舍仙郎與外兄

劉駙馬水亭避暑

千竿竹翠數蓮紅水閣虛涼玉簟空琥珀瓊紅疑  
瀉酒水晶簾密更通風賜冰滿盃沈朱實法饌盈  
盤覆碧籠盡日逍遙避煩暑再三珍重主人翁

述舊賀遷寄陝虢孫常侍

南宮左輔  
兩處相代

南宮幸襲芝蘭後左輔曾交印綬來多病未離清  
洛苑新恩已歷望仙臺關頭古塞桃林靜城下長



河竹箭回聞說隨車有零雨此時偏動子荆才

江陵嚴司空見示與成都武相公唱和因命

同作

南荆西蜀大行臺幕府旌門相對開名重三司平  
水土威雄八陣役風雷彩雲朝望青城起錦浪秋  
經曰帝來不是郢中清唱發誰當丞相揆天才

廟庭偃松詩

侍中後閣前有小松不特立而偃丞相  
晉公為賦詩美其猶龍蛇然植于高檐  
喬木間上嵌旁輒盤蹙傾亞似不得天  
和者公以遂物性為意乃加憐焉命春

不仆盥漱之餘以潤之顧盼之輝以照  
之發於人心感召和氣無復天闕坐能  
敷舒曩之踰變化為奇古故雖表文而  
有偃號焉予嘗詣閣白事公為道所以  
且示以詩竊感嘉木之逢時斐然成詠

勢軋枝偏根已危高情一見與扶持忽從顛顛有  
生意却為離披無俗姿影入巖廊行樂處韻含天  
籟宿齋時謝公莫道東山去待取成陰滿鳳池

贈致仕滕庶子先輩時及第  
中最長

朝服歸來畫錦榮登科記上更無名壽觴每使曾  
孫獻勝境長攜眾妓行纓鑠據鞍時騁健殷勤把



酒尚多情凌寒却向山陰去衣繡郎君雪裏行  
博取哭名衡州時予方謫居更無  
一夜霜風凋玉芝蒼生望絕士林悲空懷濟世安  
人略不見男婚女嫁時遺草一函歸大史孤墳三  
尺近要離朔方徙歲行當滿欲為君刊第二碑天

夔州竇員外使君見示悼妓詩顧余嘗識之

命同作

前年曾見兩鬟時今日驚吟悼妓詩鳳管學成知  
有籍龍媒欲換歎無期空廊月照常行地後院花

開舊折枝寂寞魚山青草裏何人更立智瓊祠

竇夔州見寄寒食日憶故姬小紅吹笙因和

之

鸞聲窈眇管參差清韻初調眾樂隨幽院妝成花  
下弄高樓月好夜間吹忽驚暮雨飄零盡唯有朝  
雲夢想期間道今年寒食日東山舊路獨行遲

哭龐京兆

少年有俊氣常擢制科之首

俊骨英才氣衰然策名飛步冠羣賢逢時已自致  
高位得疾還因倚少年天上別歸京兆府人間空

中唐詩

劉禹錫



八十二  
漢茂陵阡今朝總帳哭君處前日見鋪歌舞筵

荊州歌二首

衣  
渚宮楊柳暗麥城朝雉飛可憐踏青伴乘暖着輕

今日好南風商旅相催發沙頭檣竿上始見春江

澗

紀南歌

風烟紀南城塵土荆門路天寒多獵騎走上樊姬

墓

視刀環歌

常恨言語淺不如人意深今朝兩相視脉脉萬種

心

三閣辭四首

貴人三閣上日晏未梳頭不應有恨事嬌甚却成

愁

珠箔曲瓊鈎仔細見揚州北兵那得度浪語判悠

悠

沉香帖閣柱金縷畫門楣回首降旛下已見黍離



離

三人出智井一身登檻車朱門漫臨水不可見鱸

魚

淮陰行五首

古有長干行言三江之事悉矣余嘗阻風淮陰作淮陰行以裨樂府

簇簇淮陰市竹樓緣岸上好日起檣竿鳥飛驚五

兩

今日轉船頭金烏指西北煙波與春草千里同一

色

船頭大銅環摩挲光陳陳早晚使風來沙頭一眼

認

何物令儂羨羨郎船尾燕銜泥趨檣竿宿食長相

見

隔浦望行船頭昂尾憶憶無奈晚來時清淮春浪

軟

戲和呂八郡中書懷

文苑振金聲循良冠百城不知今史氏何處列君

名



秋風引

何處秋風至蕭蕭送雁羣朝來入庭樹孤客最先

聞

柳花詞三首

開從綠條上散逐香風遠故取花落時悠揚占春

晚

輕飛不假風輕落不委地繚亂舞晴空發人無限

思

晴天黯黯雪來送青春暮無意似多情千家萬家

去

路傍曲

南山宿雨晴春入鳳凰城處處聞絃管無非送酒

聲

君山懷古

屬車八十一此地阻長風千載威靈盡潁山寒水

中

庭竹

露滌鉛粉節風搖青玉枝依依似君子無地不相



宜

唐郎中宅與諸公飲酒看牡丹

今日花前飲甘心醉數杯但愁花有語不為老人

開

題壽安甘棠館二首

公館似仙家池清竹徑斜山禽忽驚起衝落半巖

花

門前洛陽道門裏桃源路塵土無烟霞其間十餘

步

古調二首一作

軒后初冠冕前旒為蔽明安知從複道然後見人

情

簿領乃俗士清談信古風吾觀蘇令綽朱墨一何

生

寓興二首

常談即至理安事非常情寄語何平叔無為輕老

生

世途多禮數鵬鷗各逍遙何事陶彭澤拋官為折



腰金多顯煥飄飄各宜激何事同法新然官誠恐

詠史二首

驟騎非無勢少卿終不去世道劇頽波我必如砥

柱

賈生明王道衛綰工車戲同遇漢文時何人居貴

位賈生明王道衛綰工車戲同遇漢文時何人居貴

經檀道濟故壘

萬里長城壞荒營野草秋秣陵多士女猶唱白符

鳩史云當時人歌曰可憐白符鳩在殺檀江州

傷段右丞江湖舊遊南宮交代

江海多豪氣朝廷有直聲何言馬蹄下一旦是佳

城

傷獨孤舍人

貞元中余以御史監祠事河南獨孤生始仕為奉禮郎有事宗廟郊時必與之俱繇是甚熟及余謫武陵九年間獨孤生仕至中書舍人視草禁中上方許以宰相元和十年春余祇召抵京師次都亭日舍人疾不起余聞因作傷詞以為吊

昔別矜年少今悲喪國華遠來同社燕不見早梅



花

再傷龐尹

京兆歸何處章臺空暮塵可憐鸞鏡下哭殺畫眉人

紇那曲詞二首

楊柳鬱青青竹枝無限情周郎一回顧聽唱紇那聲

踏曲典無窮調同詞不同願郎千萬壽長作主人

翁

詠樹 紅栴子

曉連星影出晚帶日光懸本因遺采掇翻自保天年

渾侍中宅牡丹

徑尺千餘朵人間有此花今朝見顏色更不向諸家

館娃宮

宮館貯嬌娃當時意太誇艷傾吳國盡笑入越王家



月殿移椒壁天花代舜華惟餘采香徑一帶入山斜

敬酬徹公見寄二首

淒涼沃洲僧顛顛柴桑宰別來二十年唯餘兩心在

越江千里鏡越嶺四時雪中有逍遙人夜深觀水月

鄂渚留別李表臣

高檣起行色促柱動離聲欲問江深淺應如遠別

情

答表臣贈別二首

昔爲瑤池侶飛舞集蓬萊今作江漢別風雪一徘徊

嘶馬立未還行舟路將轉江頭暝色深揮袖依稀見

始發鄂渚寄表臣二首

祖帳管絃絕客帆淒風生回車已不見猶聽馬嘶聲



曉發柳林戍遙城聞五鼓憶與故人眠此時猶晤  
語

出鄂州界懷表臣二首

離席一揮杯別愁今尚醉遲遲有情處却恨江帆  
駛

夢覺疑連榻舟行忽千里不見黃鶴樓寒沙雪相  
似

和游房公舊竹亭聞琴

尚有竹間路永無綦下塵一聞流水曲重憶餐霞

人

和西川李尚書知愚與元武昌有舊遠示二篇

來詩云元公令陳從事求蜀琴  
將以為寄而訃聞因陳生會葬

如何贈琴日已是絕絃時無復雙金報空餘挂劍  
悲

寶匣從此閉朱絃誰復調祗應隨玉樹同向土中  
銷

別蘇州二首

三載為吳郡臨岐祖帳開雖非謝桀黠且為一徘徊



中唐詩 九十  
徘徊  
流水閨門外秋風吹柳條從來送客處今日自魂  
銷

罷和州游建康

秋水清無力寒山暮多思官閒不計程偏上南朝  
寺

九日登高

世路山河險君門煙霧深年年上高處未省不傷  
心

答樂天二首

北固山邊波浪東都城裏風塵世事不同心事新  
人何似故人  
一政政官軋軋一年年老駸駸身外名何足算到  
來詩且同吟

酬楊侍郎

十年毛羽摧頽一旦天書召回看看瓜時欲到故  
侯也好歸來

後梁宣明二帝碑堂下作



玉馬朝周從此辭園陵寂寞對豐碑千行宰樹荆  
州道暮雨蕭蕭聞子規

魏宮詞二首

日晚長秋簾外報望陵歌舞在明朝欲添爐火熏  
衣麝憶得分時不忍燒

日映西陵松柏枝下臺相顧一相悲朝來樂府長  
歌曲唱着君王自作詞

楊枝詞三首

楊子江頭烟景迷隋家宮樹拂金堤嗟峨籥是當  
時色半蘸波中水鳥樓

迎得春光先到來淺黃輕綠映樓臺只緣袅娜多  
情思更被春風長挫摧

巫峽巫山楊柳多朝雲暮雨遠相和因想陽臺無  
限事爲君回唱竹枝歌

竹枝詞二首

楊柳青青江水平聞郎江上唱歌聲東邊日出西  
邊雨道是無晴却有晴

楚水巴山江雨多巴人能唱本鄉歌今朝北客思



歸去回入紆那披綠羅

雨隄上行三首

酒旗相望大隄頭隄下連橋隄上樓日暮行人爭

渡急槳聲咿軋滿中流

江南江北望烟波入夜行人相應歌桃葉傳情竹

枝怨水流無限月明多

春隄繚繞水徘徊酒舍旗亭次第開日晚上簾招

估客幾舸大扁落颿來

踏歌詞四首

春江月出大隄平隄上女郎連袂行唱盡新詞歡

不見紅霞映樹鷓鴣鳴

桃蹊柳陌好經過燈下妝成月下歌為是襄王故

宮地至今猶自細腰多

新詞宛轉遞相傳振袖傾鬟風露前月落烏啼雲

雨散遊童陌上拾花鈿

日暮江頭聞竹枝南人行樂北人悲自從雪裏唱

新曲直到三春花盡時

洲步虛詞二首



阿母種桃雲海際花落子成二千歲海風吹折最  
繁枝跪捧金盤獻天帝

華表千年一鶴歸疑丹爲頂雪爲衣星星仙語人  
聽盡却向五雲翻翅飛

望見蕊蕤舉翠華試開金屋掃庭花須臾宮女傳  
來信言幸平陽公主家

秋詞二首

自古逢秋悲寂寥我言秋日勝春朝晴空一鶴排

雲上便引詩情到碧霄

山明水淨夜來霜數樹深紅出淺黃試上高樓清  
入骨豈如春色嗾人狂

秋扇詞

莫道恩情無重來人間榮謝遞相催當時初入君  
懷袖豈念寒蠶有死灰

竹枝詞九首

四方之歌異音而同樂歲正月  
余來建平里中聯歌竹枝吹短

笛擊鼓以赴節歌者揚袂睢舞以曲多  
爲賢聆其音中黃鍾之羽卒章激訃如  
吳聲雖儉儻不可分而含思宛轉有淇  
濮之豔昔屈原居沅湘間其民迎神詞



多鄙陋乃為作九歌到于今荆楚歌舞之故余亦作竹枝九篇俾善歌者颺之附于末後之聽巴歛知變風之有自焉

白帝城頭春草生白鹽山下蜀江清南人上來歌一曲北人莫上動鄉情

山桃紅花滿上頭蜀江春水拍山流花紅易衰似郎意水流無限似儂愁

江上朱樓新雨晴灤西春水縠紋生橋東橋西好楊柳人來人去唱歌行

日出三竿春霧消江頭蜀客駐蘭橈憑寄狂夫書一紙住在成都萬里橋

兩岸山花似雪開家家春酒滿銀杯昭君坊中多女伴永安宮外踏青來

城西門前灩澦堆年年波浪不能摧懊恨人心不如石少時東去復西來

瞿塘嘈嘈十二灘此中道路古來難長恨人心不如水等閒平地起波瀾

巫峽蒼蒼烟雨時清猿啼在最高枝個裏愁人腸自斷由來不是此聲悲



山上層層桃李花雲間烟火是人家銀釧金釵來  
負水長刀短笠去燒畬

楊枝詞九首

塞北梅花羌笛吹淮南桂樹小山詞請君莫奏前  
朝曲聽唱新翻楊柳枝

南陌東城春早時相逢何處不依依桃紅李白皆  
誇好須得垂楊相發揮

鳳闕輕遮翡翠幃龍池遙望麴塵絲御溝春水相  
輝映狂殺長安年少兒

金谷園中鶯亂飛銅駝陌上好風吹城中桃李須  
臾盡爭似垂楊無限時

花萼樓前初種時美人樓上鬪腰肢如今拋擲長  
街裏露葉如啼欲恨誰

煬帝行宮汴水濱數枝楊柳不勝春晚來風起花  
如雪飛入宮墻不見人

御陌青門拂地垂千條金縷萬條絲如今綰辭同  
心結將贈行人知不知

城外春風吹酒旗行人揮袂日西時長安陌上無



窮樹唯有垂楊管別離  
輕盈袅娜占年華舞榭妝樓處處遮春盡絮飛留  
不得隨風好去落誰家

瀟湘神二首

湘水流湘水流九疑雲物至今愁君問二妃何處  
所零陵香草露中秋

斑竹枝斑竹枝淚痕點點寄相思楚客欲聽瑤瑟  
怨瀟湘深夜月明時

浪淘沙詞九首

九曲黃河萬里沙浪淘風簸自天涯如今直上銀  
河去同到牽牛織女家

洛水橋邊春日斜碧流清淺見瓊沙無端陌上狂  
風急驚起鴛鴦出浪花

汴水東流虎眼文清淮曉色鴨頭春君看渡口淘  
沙處渡却人間多少人

鸚鵡洲頭浪颭沙青樓春望日將斜銜泥燕子爭  
歸舍獨自狂夫不憶家

濯錦江邊兩岸花春風吹浪正淘沙女郎剪下鴛



鴛錦將向中流正晚霞

日照澄洲江霧開淘金女伴滿江隈美人首飾侯

王印盡是沙中浪底來

八月濤聲吼地來頭高數丈觸山回須臾却入海

門去捲起沙堆是雪堆

莫道讒言如浪深莫言遷客似沙沉千淘萬洗雖

辛苦吹盡狂沙始到金

流水淘沙不暫停前波未滅後波生令人忽憶瀟

湘渚回唱迎神三兩聲

洛中送韓七中丞之吳興口號五首

昔年意氣結羣英幾度朝回一字行海北江南零

落盡兩人相見洛陽城

自從雲散各東西每日歡娛却慘悽離別苦多相

見少一生心事在書題

今朝無意訴離杯何況清絃急管催本欲醉中輕

遠別不知翻引酒悲來

駱駝橋上蘋風起鸚鵡杯中箸下春水碧山青知

好處開顏一笑向何人



溪中女士出芭籬溪上鴛鴦避畫旗何處人間似  
仙境春山攜妓採茶時  
送廖參謀東遊二首

九陌逢君又別離行雲別鶴本無期望嵩樓上忽  
相見看過花開花落時

繁花落盡君辭去綠草垂楊引征路東道諸侯皆  
故人畱連必是多情處

洛中春末送杜錄事赴蘄州  
樽前花下長相見明日忽爲千里人君過午橋回

首望洛城猶自有殘春

夜宴福建盧侍御宅因送之鎮

暫駐旌旗洛水隄綺筵紅燭醉蘭閨美人美酒長  
相逐莫怕猿聲發建溪

重送鴻舉師赴江陵謁馬逢侍御

西北秋風凋蕙蘭洞庭波上碧雲寒茂陵才子江  
陵住乞取新詩合掌看

贈長沙讚頭陀

外道邪山千萬重真言一發盡摧峰有時明月無



人夜獨向昭潭制惡龍

送霄韻上人遊天台

曲江僧向松江見  
又道天台看石橋  
鶴戀故巢雲戀岫  
比君猶自不逍遙

臺城懷古

清江悠悠王氣沉  
六朝遺事何處尋  
宮牆隱嶙圍野澤  
鸛鳴秋色深

戲贈崔千牛

學道深山許老人  
畱名萬代不關身  
勸君多買長

安酒南陌東城占取春

揚州春夜李端公益張侍御登段侍御平仲

密縣李少府暘祕書張正字復元同會於

水館對酒聯句追刻燭擊銅鉢故事遲輒

舉觥以飲之逮夜艾羣公沾醉紛然就枕

余偶獨醒因題詩於段君枕上以志其事

寂寂獨看金燼落  
紛紛只見玉山頽  
自羞不是高

陽侶一夜惺惺騎馬回

逢王十二學士入翰林因以詩贈

時貞元十二年以藍



田尉充  
學士

廐馬翩翩禁外逢星槎上漢杳難從定知欲報淮

南詔促召王褒入九重

闕下口號呈柳儀曹

綵仗神旗獵曉風雞人一唱鼓逢逢銅壺漏水何

時歇如此相催即老翁

監祠夕月壇書事

西皞司分晝夜平羲和亭午太陰生鏗鏘揖讓秋

光裏觀者如雲出鳳城

元和甲午歲詔書盡徵江湘逐客余自武陵

赴京宿於都亭有懷續來諸君子

甯雨江山起臥龍武陵樵客躡仙蹤十年楚水楓

林下今夜初聞長樂鐘

元和十一年自朗州承召至京戲贈看花諸

君子

紫陌紅塵拂面來無人不道看花回玄都觀裏桃

千樹盡是劉郎去後栽

再遊玄都觀 并引



余貞元二十一年爲屯田員外郎時此  
觀未有花是歲出牧連州尋貶朗州司  
馬居十年召至京師人人皆言有道士  
手植仙桃滿觀如紅霞遂有前篇以志  
一時之事旋又出牧今十有四年復爲  
主客郎中重遊玄都觀蕩然無復一樹  
唯兔葵燕麥動搖於春風耳因再題二  
十八字以俟後遊時大和二年三月

百畝庭中半是苔  
桃花淨盡菜花開  
種桃道士歸何處  
前度劉郎今又來

與歌者米嘉榮

唱得涼州意外聲  
舊人唯數米嘉榮  
近來時世輕先輩  
好染髭鬚事後生

望夫石

正對涼州郡樓

終日望夫夫不歸  
化爲孤石苦相思  
望來已是幾千載  
只似當年初望時

聽舊宮中樂人穆氏唱歌

曾隨織女渡天河  
記得雲間第一歌  
休唱貞元供奉曲  
當時朝士已無多

石頭城

金陵五題

山圍故國周遭在  
潮打空城寂寞回  
淮水東邊舊時月  
夜深還過女墻來



烏衣巷

朱雀橋邊野草花  
烏衣巷口夕陽斜  
舊時王謝堂  
前燕飛入尋常百姓家

臺城

臺城六代競豪華  
結綺臨春事最奢  
萬戶千門成  
野草只緣一曲後  
庭花

生公講堂

生公說法鬼神聽  
身後空堂夜不扃  
高坐寂寥塵  
漠漠一方明月可  
中庭

江令宅

南朝詞臣北朝客  
歸來唯見秦淮碧  
池臺竹樹三  
畝餘  
至今人道江家宅

韓信廟

將略兵機命世雄  
蒼黃鍾室嘆良弓  
遂令後代登  
壇者  
每一尋思怕立功

秋夜安國觀聞笙

織女分明銀漢秋  
桂枝梧葉共颼颼  
月露滿庭人  
寂寂  
霓裳一曲在高樓



故洛城古墻

粉落椒飛知幾春  
風吹雨灑旋成塵  
莫言一片危基在  
猶過無窮來往人

李賈二大諫拜命後寄楊八壽州

諫省新登二直臣  
萬方驚喜捧絲綸  
懸知天子明如日  
肯放淮南高臥人

美溫尚書鎮定興元以詩寄賀

旌旗入境犬無聲  
戮盡鯨鯢漢水清  
從此世人閑耳目  
始知名將出書生

酬端州吳大夫夜泊湘川見寄一絕

夜泊湘川逐客心  
月明猿叫血沾襟  
湘妃舊竹痕猶淺  
從此因君染更深

徵還京師見舊番官馮叔達

前者匆匆僕馬行  
十年顛顛到京城  
南宮舊吏來相問  
何處淹留白髮生

與歌者何戡

二十餘年別帝京  
重聞天樂不勝情  
舊人唯有何戡在  
更與殷勤唱渭城



與歌童田順郎

天下能歌御史娘  
花前月底奉君王  
九重深處無人見  
分付新聲與順郎

燕爾館破屏風所書至精人多歎賞題之

畫時應遇空亡日  
賣處難逢識別人  
唯有多情往來客  
強將衫袖拂埃塵

贈李司空妓

高髻雲鬟宮樣妝  
春風一曲杜韋娘  
司空見慣渾閒事  
斷盡蘇州刺史腸

題歌器圖

秦國功成思稅駕  
晉臣名遂歎危機  
無因上蔡牽黃犬  
願作丹徒一布衣

傷桃源薛道士

壇邊松在鶴巢空  
白鹿閒行舊徑中  
手植紅桃千樹發  
滿山無主任春風

王思道碑堂下作

蒼蒼冢樹起寒烟  
尚有威名海內傳  
四府舊聞多故吏  
幾人垂淚拜碑前



傷愚溪三首

故人柳子厚之謫永州得勝地結茅樹  
蔬為沼沚為臺榭日日愚溪柳子及三  
年有僧遊零陵告余曰愚溪無復曩時  
矣一聞僧言悲不能自勝遂以所聞為  
七言以  
寄恨

溪水悠悠春自來草堂無主燕飛回隔簾惟見中

庭草一樹山榴依舊開

草聖數行留壞壁木奴千樹薦鄰家唯見里門通

德榜殘陽寂寞出樵車

柳門竹巷依依在野草青苔日日多總有鄰人解

吹笛山陽舊里更誰過

傷循州渾尚書

貴人淪落路人哀碧海連天丹旆回遙想長安此

時節朱門深巷百花開

代靖安佳人怨二首

靖安者乃丞相武公居里名也元和十  
一年六月公將朝夜漏未盡三刻騎出  
里門遇盜薨于墻下初公為郎余為御  
史繇是有舊故今守遠服賤不可以誅  
又不得為歌詩聲于楚挽故  
代作佳人怨以禪于樂府云

寶馬鳴珂踏曉塵魚文七首犯車茵適來行哭里



門外昨夜華堂歌舞人  
秉燭朝天遂不回路人  
彈指望高臺墻東便是傷  
心地夜夜流螢飛去來

碧澗寺見元九侍御和展上人詩有三生之

句因以和

廊下題詩滿壁塵塔前松樹已鱗皴古來唯有王  
文度重見平生竺道人

酬馬大夫登涯口戍見寄

新辭金印拂朝纓臨水登山四體輕猶念天涯未

歸客瘴雲深處守孤城

贈元九文石枕

文章似錦氣如虹宜薦華簪綠殿中縱使涼飈生

旦夕猶堪拂拭愈頭風

寄唐州楊八

淮西既是平安地鴟路今無羽檄飛聞道唐州最

清靜戰場耕盡野花稀

同樂天登棲靈寺塔

步步相攜不覺難九霄雲外倚欄杆忽然語笑半



中唐詩 一百七  
天上無限游人舉眼看  
和裴相公傍水閒行

爲愛逍遙第一篇時時閒步賞風煙看花臨水心  
無事功業成來二十年

杏園花下酬樂天見贈

二十餘年作逐臣歸來還見曲江春游人莫笑白  
頭醉老醉花間有幾人

春詞

新妝宜面下朱樓深鎖春光一院愁行到中庭數

花朵蜻蜓飛上玉搔頭

憶樂天

尋常相見意殷勤別後相思夢更頻每遇登臨好  
風景羨它天性少情人

醉答樂天

洛城洛城何日歸故人故人今轉稀莫嗟雪裏暫  
時別終擬雲間相逐飛

虎丘寺見元相公題名處愴然有感

漉水送君君不還見君題字虎丘山因知早貴兼



才美不得多時在世間

楊枝詞

清江一曲柳千條二十年前舊板橋  
自與情人橋上別更無消息到今朝

寄曾、述

花面丫頭十三四春來綽約向人時  
終須買取名春草處處相將步步隨

吟樂天自問愴然有作

親友關心皆不見風光滿眼獨傷神  
洛陽城裏多

池館幾處花開有主人

和令狐相公別牡丹

平章宅裏一欄花臨到開時不在家  
莫道兩京非遠別春明門外即天涯

贈劉景擢第

湘中才子是劉郎望在長沙住桂陽  
昨日鴻都新上第五陵年少讓清光

和令狐相公聞思帝鄉有感

當初造曲者爲誰說得思鄉戀闕時  
滄海西頭舊



丞相停盃處分不須吹思  
酬令狐相公見寄帝鄉  
西原書

羣玉山頭住四年每聞笙鶴看諸仙何時得把浮丘袖白日將昇第九天  
少壯封翁日無憂  
酬令狐相公春思見寄

一紙書封四句詩芳辰對酒遠相思長吟盡日西南望猶及殘春花落時  
柳絮不空來莫道兩京非  
城內花園值春霜  
一夕萎謝

暖下芳園最占春年年結伴采花頻繁霜一夜相撩冷不似佳人似老人

和裴晉公涼風亭睡覺  
驪龍睡後珠元在仙鶴行時步又輕方寸瑩然無

大事水聲來似玉琴聲  
答裴公雪夜訝諸公不相訪之什

土樹瓊樓滿眼新的知開閣待諸賓遲遲來去非無意擬作梁園座右人

和人憶江南故吏歌

侯家故吏歌聲發逸處能高怨處低今歲洛中無



雨雪眼前風景似江西

赴連山 德宗山陵

當時並見奉天顏  
委珮低簪綵仗間  
今日獨來張樂地  
萬重雲水望橋山

有所嗟二首

庾令樓中初見時  
武昌春柳似腰肢  
相逢相識盡如夢  
為雨為雲今不知  
鄂渚濛濛烟雨微  
女郎魂逐暮雲歸  
只應長在漢陽渡  
化作鴛鴦一隻飛

和裴令公誚樂天寄奴買馬

常奴安得似方回  
爭望追風絕足來  
若把翠娥酬騾駟  
始知天下有奇才

酬思黯代書見戲

官冷如漿病滿身  
凌寒不易過天津  
少年留取多情興  
請待花時作主人

答張侍御賈喜再登科後自洛赴上都贈別

又被時人寫姓名  
春風引路入京城  
知君憶得前身事  
分付鶯花與後生



赴連州諸公置酒相送

謫在三湘最遠州邊鴻不到水南流如今暫寄尊  
前笑明日辭君步步愁

梁國祠

梁國三郎威德尊女巫簫鼓走鄉村萬家長見空  
山上雨氣蒼茫生廟門

酬元九

無事尋花至仙境等閒栽樹比封君金門通籍真  
多士黃紙除書每日聞

酬楊侍郎憑見寄

翔鸞闕底謝皇恩纓上滄浪舊水痕疎傳揮金忽  
相憶遠擎長句與招魂

答楊敬之時亦謫居

飽霜孤竹聲偏切帶火焦桐韻本悲今日知音一  
畱聽是君心手不平時

和嚴給事聞唐昌觀玉蘂花下有遊仙二首

玉女來看玉蕊花異香先引七香車攀枝弄雪時  
回顧驚怪人間日易斜



雪蘂瓊絲滿院春  
衣輕步步不生塵  
君王簾下徒相問  
長伴吹簫別有人

酬楊八副使將赴湖南見寄

知逐征南冠楚才  
遠勞書信到陽臺  
明朝若上君山上一道巴  
江自此來

和元相公

玉人紫綬相輝映  
却要霜髯一兩莖  
其奈無成空老去  
每臨明鏡若為情

謝惠斑竹杖

一莖炯炯琅玕色  
數節重重玳瑁文  
拄到高山未登處  
青雲路上願逢君

常州楊給事新樓

文章星象盡東來  
油幕朱門次第開  
且上新樓看風月  
會乘雲雨一時回

和裴令公夜宴

天下蒼生望不休  
東山雖有但時遊  
後來海上仙桃樹  
肯逐人間風露秋

酬李侍郎惠藥



隱几支頤對落暉故人書信到柴扉周南畱滯商  
山老星象如今屬少微

重寄表臣二首

對酒臨流柰別何君今已貴我蹉跎分明記取星  
星鬢他日相逢應更多

世間人事有何窮過後思量盡是空早晚同歸洛  
陽陌卜隣須近祝雞翁

酬牛相公別後夢同遊

已嗟池上別魂驚忽報夢中攜手行此夜獨歸還

乞夢老人無睡到天明

酬裴尹攜酒兼喜眼疾平

卷盡輕雲月更明金篦不用且閒行若傾家釀招  
來客何必池塘春草生

和滑州李尚書上巳憶江南禊事

白馬津頭春日遲沙洲歸雁拂旌旗柳營惟有軍  
中戲不似江南三月時

和西川李尚書傷孔雀及薛濤

玉兒已逐金銀葬翠羽先隨秋草萎唯見芙蓉含



曉露數行紅淚滴清池

答柳柳州三首

日日臨池弄小雛還思寫論付官奴柳家新樣元

和脚且盡薑芽斂手徒

柳集亦有是篇

小兒弄筆不能嗔流壁書窓且當勤聞彼夢熊猶

未兆女中誰是衛夫人

昔日傭工寄姓名遠勞辛苦寫西京近來漸有臨

池興為報元常欲抗衡

重別柳柳州

二十年來萬事同今朝岐路忽西東皇恩若許歸

田去晚歲當為鄰舍翁

登清輝樓

潯陽江色潮添滿彭蠡秋聲雁送來南望廬山千

萬仞共誇新出棟梁材

遇毛仙翁

武昌山下蜀江東重向仙舟見葛洪又得案前親

禮拜大羅天訣玉函封

寄毗陵楊給事三首



揮毫起制來東省躡足修名謁外臺好著囊韉莫  
惆悵出文入武是全才

曾主魚書輕刺史今朝自請左魚來青雲直上無  
多地却要斜飛取勢回

東城南陌昔同遊坐上無人第二流屈指如今已  
零落且須歡笑作鄰州

陪宴杏園

更將何面上春臺百事無成老又催唯有落花無  
俗態不以滿頭來

曹剛

大絃嘈噴小絃清噴雪含風意思生一聽曹剛彈  
薄媚人生不合出京城

寄湖州韓中丞

老郎日日憂蒼鬢遠守年年厭白蘋終日相思不  
相見長頻相見是何人

田順郎歌

清歌不是世間音玉殿常聞稱主心唯有順郎全  
學得一聲飛出九重深



夜聞商人船中箏

大編高帆一百尺清聲促柱十三絃揚州市裏商人女來占江西明月天

聞道士彈思歸引

仙人一奏思歸引逐客初聞自泫然莫怪殷勤悲此曲越聲長苦已三年

喜康將軍見訪

謫居愁寂似幽棲百草當門茅舍低夜獵將軍忽相訪鷓鴣驚起遶籬啼

嘗茶

生拍芳叢鷹嘴芽老郎封寄謫仙家今宵更有湘江月照出霏霏滿盃花

月望洞庭

湖光秋月兩相和潭面無風鏡未磨遙望洞庭山水翠白銀盤裏一青螺

賞牡丹二首

庭前芍藥妖無格池上芙蓉淨少情唯有牡丹真國色花開時節動京城



偶然相遇人間世合在增城阿姥家有此傾城好  
顏色天教晚發賽諸花

增城阿姥家

增城阿姥家

